

宋

會

要

宋會要

船戰船附

太宗乾德四年四月淮南轉運使蘇曉言緣江州府商人以江心為界各許兩岸通行其北岸有溝河港汊悉通大江或穿州縣從來客旅舟船往來經販自集開口岸已來江北商人欲入港汊興販者巡檢使臣禁止不許望明賜條約詔自今江北通連州縣溝河港汊許商旅往來通行即不得直入大江百司謹察之其捕漁人戶依近敕指揮真宗景德二年六月永壽縣主言私家有船在汴河值官私雇船運修河物料望放免及蠲經由稅筭詔聽免雇般大中祥符三年十月詔自今勾當事使臣如在京指射舟船往向南州軍逐處不得

更添若是替換亦不得過元載力勝所有添差乘駕兵士及抽那堰上車軍亦不得擅差 五年二月衛國長公言言於汴河內置到船二隻收載供宅物乞免頭子力勝錢詔免諸雜差使 六年十一月令長公主宅於諸州河置船者止免諸雜差遣其路稅如式先是宿國長公主乞免稅真宗慮其有違條制故申明之 八年閏六月詔皇族及武臣僚僧道諸河般載薪炭芻粟州船止准宣敕及中書樞密院所降聖旨劄子內隻數與免差遣如許令將錢出京城門即置簿拘管其見今行運有河分交互者取索元降文字令行納換先是黃汴河催綱王黃裳言以和雇民船載薪芻供應滑州修河

有諸宅及寺觀舟船皆執官給文字免放差違然其間
有河分差互者乞條約之故有是命 天禧二年四月
詔自今赴任向南官員如到真楚泗州納下從京來載
舟船即與勘會逐處岸下係官空閑雜般船許差借來
載赴任八月樞密院定皇親宅置船長公主二郡縣主
一聽於諸河市物免其差撥自餘不得為例 仁宗天
聖元年十二月詔自今有落水舟船湏盡時出取相驗
修補如必然不堪裝載鹽糧亦便駕送合屬去處修充
雜般委實不任修補即差官監折板木量定長濶釘鉤
秤計斤重因便綱船附帶赴船場交納修打鹽糧舟船
不得擅將支使如敢擅將官中堪好舟船妄有毀拆及

將板木釘線打造家事并諸般使用並委發運司檢舉
申奏其典守等勘罪斷遣後據占使却釘板勒令均陪
備錢當職官員使臣勘罪申奏 三年七月詔在京諸
禪院各有舟船在河般買供用物自今不得於船頭排
牌示依次駕放并妄外欺壓百姓舟船並仰開封府收
捉在船僧人道士并行者及主捉舟船人等勘逐區分
如顯有充豪及不伏止約依法斷訖收禁奏裁緣河州
府縣鎮及撥發巡檢催網排岸對門使臣覺察三司每
季舉行宣命無令違犯 四年七月江南西路轉運司
言吉州永新龍泉兩縣所買造船枋木每貫五剋下陌
子錢六十五文更依例剋下頭底錢四文共除六十九

文是致商客虧本少人興販今勘會南安軍所買枋木
每貫止依例剋下頭底錢四文外更不剋陌子錢六十
五文令吉州所剋枋木陌子錢乞行除放事下三司相
度省司勘會逐年般運斛斗錢帛雜物全籍度洪州打
造舟船應副今來吉州永新龍泉兩縣買枋木請依轉
運司所奏依南安軍例每貫收頭子錢四文外更不減
剋陌子錢六十五文從之先是吉州判官徐仲儒言永
新龍泉兩縣所買船場枋木每貫於常例除剋錢四文
更剋陌子錢六十五文致有衡州茶陵縣商人尹海經
轉運司狀訴乞給還所剋每貫六十五文陌錢轉運司
移牒吉州會同州稱止稱近例定奪初無朝省指揮運

司同奏請除放 慶厯二年二月詔京東西瀕河諸州
造戰船五百隻赴河北 皇祐三年九月詔緣汴河南
稅務毋得苛留公私舟船 四年十一月詔如聞江淮
兩瀆荆湖南北等路守官者多求不急差遣乘官船往
來販私物宜令發運轉運司自今非急務毋得輒差
官若當差者即不得以官舟假之違者本司及被差人
並以違制論 神宗熙寧元年正月四日句當京東排
岸司盧盛等言發運使每是受命即移文報岸差船十
五隻復自拘收江淮船楫是本司船多是應副人情乞
今後只與依兩制條例差撥即不得一面拘收理職司
資序知州并提點銀銅運鹽轉運判官並依職身條例

差撥四隻除轉運使提點刑獄外其餘差遣自合降敕
所有理職司資序知州提點銀銅運鹽轉運判官並乞
只差三隻每歲至閉汴口日並須預催諸般空船回歸
內運糧雖般官物並各造回內有量般官物為名乘載
官員迫閉汴口方始到岸只就居止避見就屋遂使人
船於乾汴內負重致船縫開綻多有損壞乞今後應來
載官員到岸限五日內般下及不許將守凍舟船經冬
般家居止並從之 元豐元年正月十五日詔川廣福
建路官在任或替移未出本路身亡雖已請接送在夫
錢許差座船一隻三十一日詔使高麗涉海新舟至
賜號其一曰凌虛致遠安濟神舟其次靈飛順濟神舟

三年四月二十一日詔衡州茶陵縣以稅米折納船材運至潭州造船公私糜費自今以所輸船材即本縣造船二百艘轉運司出錢佐出費六月二十七日詔眞楚泗州各造淺底船百艘團為十綱入汴行運五年二月二日詔熙河路洮河與黃河通接如可作蒙衝戰艦運糧濟兵令李憲計度哲宗元祐五年正月四日詔温州明州歲造船以六百隻為額淮南兩浙各三百隻從戶部裁省浮費之請也六年七月十一日詔廣惠南恩端潮等州縣瀕海船戶每二十戶為甲選有家業行止衆所推服者二人充大小甲頭縣置籍錄生名年甲并船槽棹數其不入籍并槽棹過數及將堪以害

人之物并載外人在船同甲人即甲頭知而不糾與同
罪如犯強盜視犯人所坐輕重斷罪有差及立告賞沒
官法從刑部請也 八年六月二十二日詔虔州應副
罷任丁憂官並孤遺背船隻許將五百料與四百科船
均與每歲各不得過十五隻 徽宗政和元年正月二
十四日中書省言勘會前宰相執政差船不限隻數詔
見今宰相差船宰相歲不過八隻執政官六隻前宰相
減半差人準乘船兵卒之數令工部立法中尚書省
三年三月二十五日詔應今來補造到汴綱舟船及招
到人兵並仰所屬交割付賈偉節專一管幹仍逐船雕
鑿字號打造州軍年月記驗常切椿管聽候朝廷指揮

支使其人兵即仰分臂看船仍並不得別有差占雖直
奉指揮及一切特旨仰並具狀申尚書省奏稟候得旨
即依所得指揮施行違者徒二年 四年正月二十一
日尚書省言奉詔錢塘江陽村去年十月二十一日海
客舟船靠閣為江潮傾覆沉溺物貨損失人命濱江居
民漁戶乘急盜取財物稍徒互相計會坐視不救利於
取財可令杭州研窮根究不得減裂未獲人名立賞三
百貫告捉不原赦降仍令尚書省立法以聞今擬修下
條諸州船因風水損失或靠閣收救未畢而乘急盜取
財物者並依水火驚擾之際公取法即本船梢徒互相
計會利于私取財坐視不救 海內不可收救處非若縱

人盜者徒二年故縱而盜罪重者與同罪取財賊重者加公取罪一等從之八月十九日兩浙路轉運司奏明州合打額船並就温州每年合打六百隻所用木植盡被造作局下公吏等託以取買諸局造作御前生活木植為名有失溫處等州抽解收買除已牒杭州平江府合用木植請徑行給據為照温州今後非承杭州平江府公據並抽解和買應副造船乞指揮施行詔杭州平江府非應奉御前而公給公據者徒二年九月十四日尚書省言勘會都下見闕平底船支使詔令兩浙路轉運司各打造三百料三百隻江南東西荆湖南北路轉運司各打造五百料三百隻合用人兵家事等亦仰計

置應副數足隨船限至來年三月須管了畢駕放到閩
所有逐船人兵各於逐路廂軍內剗刷前來所用錢數
亦仰於逐路應副見在封椿并常平錢內支撥仍免執
占應合行事件並仰比附昨賈偉節打造舟船已得指
揮具狀申尚書省十二月十二日發運副使李偃言近
承尚書省劄子節文開修濟河畢工下發運司打造舟
船勘會所打舟船一千三百隻座船一百支淺底屋子
船二百隻雜般座船一千隻並三百料緣真楚泗州先
打廣濟河船除座船打造其百料外其屋子并雜般船
相度並只乞打二百五十料所貴于濟河五丈河通快
行運亦減省得材材從之 五年十二月十九日權發

遣無為軍田望言竊以本軍額管坐船不多自來每為
形勢官占留動經二二年不回至有本軍得替官於舊
任伺候歲月狼狽不能歸者竊見淮東路提舉學士司
作申請以官司截留額管座船經隔歲月未有道還今
後雖有畫到一例差撥指揮亦乞特免應副奉聖旨依
緣即日本軍官接送來座額船要有防閑欲乞依上件
體例免其它官司截占從之應諸路舟軍並依此 宣
和元年五月二十一日詔訪聞諸路造船州軍未造數
目至多兼近來打造多不如法易損壞仰施下數目用
堪好着色材木如法打造不及百隻限半年百隻以上
限一年須管了足並委憲臣點檢催促如違限拖欠具

官吏姓名申尚書省將上取旨今後應綱運舟船如敢
截留借撥船般載他物者以違御筆論 七年五月十
七日戶部言神霄宮瓊華館元降指揮係於東西河各
置船一隻津般道業未麴之類並免抽稅昨依龍德太
一宮置船例即未有許依本官例於通流處往來免稅
明年詔依龍德太一宮例七月九日詔聞明州造船場
及作院所用木竹鐵炭應干物料等近來官吏為姦更
不和價並係敷配於六縣人戶逐等第彊取於民監司
守令縱使拾剋廉察使者坐視並不按刻未欲重作行
遣可下本路如尚敢依前抑配取於民戶不還價錢官
並當遠竄額外人吏配海島廉訪使者常加覺察以聞

二十五日詔應宮觀寺并臣僚之家舟船收稅並依舊法其專降免稅指揮並更不施行 高宗皇帝建炎元年七月十一日尚書省言瀕海沿江巡檢下魴魚船可堪出戰式樣與錢塘楊子江魴魚船不同俗又謂之釣槽船頭方小俗謂盪浪斗尾濶可分水面畝可容人兵底狹尖如刀刃狀可破浪糧儲器仗置黃版下標牌矢石分兩掖可容五十人者面濶一丈二尺身長五丈依民間工料造打每支約四百餘貫今來召募諸路水戰人且以三萬人為率每船可容五十人合用魴魚船六百隻計用錢二十四萬餘貫江淞州縣慮財賦窘迫欲許人戶八中每十五隻進士補迪功郎十八隻補承節

郎十四隻補承信郎不以進納出身為官戶有官人願入中四隻許占射便鄉合入差遣一次非流外出身人減半道尼女冠願入中二隻與四字師號仍先降空名告敕下官司收管候有人入中先次書填仍止許本州知州措置勸誘第一等以上人戶入中餘戶不得預造船之後有情願出財者申措置官相度非州縣抑勒聽依例入中詔付楊觀復施行其合用占射差遣公據并四字師號敕牒候有入中人具姓名申尚書省九月十六日知楊州呂頤浩言滄州并濱州一帶與北界地形隣接最係要害去處理宜措置合用勦魚戰船已行畫樣頒下州縣欲令先次根刷應係官輕捷舟船隨宜改

造如闕即於民間踏逐增價收買改為戰船立限修整
牢壯每州三十隻仍許備欠舟利器之屬詔逐州召募
能浸水經時伏藏之人以五十為額每月請給外更支
食錢三百文百姓支食錢二百文月給米一石當職官
能于限內計備堪委戰舟船召募水手足備並聘一官
知州通判減三年磨勘限滿不足當職官展二年磨勘
知州通判展一年不及八分展三年磨勘知州通判展
二年不及七分降一官知州通判展三年磨勘內當職
官計備舟船與招募水手事不相須應賞罰者遞降一
等其公共辦力幹辦招置數目不等者並比類分受賞
罰仍仰逐路提刑司各具應該賞罰官職位姓名及別

具優劣一兩處申尚書省取旨重行陞黜 二年六月
五日發運副使呂源言近於江湖四路沿流州縣打造
糧船一十隻并潭衡虔吉四州兩年拖欠舟船八百三
十九隻江東路打造未到船二百五隻乞限至年終一
切了畢緣潭衡虔吉四州今年年額又合打造船七伯
二十三隻共二千七百六十七隻散在江湖四路沿流
二十餘州軍若不選差彊幹官催督點勘必致違悞欲
依大觀四年發運判官王塽打造荆湖南北江南西路
未足額船一十隻辟差幹辦公事四員依本司幹辦公
事例乞差朝請郎杜師恕奉議郎林彭年二員分路監
轄催督及差承節郎魏端臣充隨行點勘工料從之十

二日發遣副使呂源言近乞責限江湖打造糧船二十
七百餘隻每船只用樺梢三人合與八十餘人若從州
軍差撥往往只稱闕人今欲從發運司委官于轄下州
軍取索廂軍開收厯并糧帳勒合千人根刷將空閑及
違法差借影占并閑慢窠坐摘那抽差赴本司充糧船
樺梢其所差人兵遠離鄉土每名欲量與起發錢一貫
文每日量添食錢二十文省詔依遇打造到船逐旋差
撥即不得預先差占十六日司農少卿史徽言諸路轉
運司歲起上供糧斛合用舟船逐路各有船塢認打船
額比來漕司失於督責遇朝廷催促斛對往往以闕船
為辭乞取會笑笑元年拖欠并今未打船數移文漕司

督責仍許依近降指揮收買舟船總計料例理為丰額
歲終令發運司具虧欠最多去處漕司官并打船合干
官吏職位姓名申朝廷取聽指揮從之八月九日發運
副使呂源言措置江湖四路打造糧船二十七百餘隻
責限來年六月了畢乞將本司所轄六路昨來添酒錢
並令依舊拘收使用詔上色酒每升許添三錢次色酒
添二文令轉運司置厯拘收逐旋與發運司打船使用
候支撥數足日令轉運司具數取旨撥歸轉運司十二
月十三日發運副使呂源言乞嚴降指揮應諸路運司
七百料暖船並發赴行在非舊有場處不許製造暖船
止許造五百料以下不得過為添飾其長不過十丈及

依做舊制立定年額從之 三年三月四日臣僚言自

來閩廣客船并海南蕃船轉海至鎮江府買賣至多昨

緣西兵作過并張遇徒黨劫掠商賈畏懼不來今沿江

防拓嚴謹別無他虞遠方不知欲下兩浙福建廣南提

舉市船司招誘興販至江寧府岸下者抽解收稅量減

分數非惟商賈盛集百貨阜通而巨艦銜尾亦足為防

守之勢從之四月十二日尚書省言平江府造船場計

料四百料八槽戰船每隻通長八丈用錢一千一百五

十九貫四槽海鵠船每隻通長六丈五尺用錢三百二十

九貫照依擬定速行打造差官管押赴江寧交割割

八月四日上部言勘會發運副使葉煥劄于欲將兩浙

路州軍抽稅竹木依嘉祐數以十分為率三分應副發
運司修整綱船從之 紹興元年正月十八日權發遣
兩浙轉運副使公事徐康國言温州造船場年額打造
本路直達綱船三百四十隻近年財賦窘乏打造不魯
及額官吏五人兵級二百四十七人枉費請給今欲除
選留監官一員并兵級一百人在場應副打造外其餘
官兵並行裁減內官員依省罷法兵級撥歸本州充廩
軍役使詔令康國選留監官一員兼監買船場餘從之
六月二十六日發運副使宋輝言闕少綱船漕運乞將
兩浙州府抽稅竹木通撥五分付本司打造鐵頭船般
運行在軍儲詔依內臨安府抽稅竹木以十分為率轉

運司并本司各四分將二分應副發運司十月一日詔
令兩浙轉運司將本司已分下州縣打造座船改造浙
東行運舫子十七隻所有網船仍打造二百五十科
船三十五隻仰別開具的實用物料錢數申尚書省
二年二月一日詔官司舟船須管支給雇錢不得以和
雇為名擅行奪占如違許船戶越訴以臣僚言軍興以
來所在官司往往以和雇為名直虜百姓船隻以便一
時急用行通行者惟官員與茶鹽客而已不特失國家
阜民通貨之大體而暗捐稅額所害不輕緣此民間更
不敢造船既壞者不肯補修船數日少弊端日生乞立
法行下州縣嚴行止絕故有是命三月二十二日詔應

官吏軍下使臣等輒于州縣亂作名色指占舟船及州縣因作非泛使名經過差人捉船並從徒一年科罪許船戶越訴仰州縣常切遵守散出榜曉諭如奉行不虔許監司覺察聞奏重行黜責仍令工部遍牒行下以殿中侍御使江濟奏謹故有是詔四月十八日詔浙西起發上供糴買錢未及起發安撫大使司贍軍錢糧船戶令轉運司依實值和雇即不得輒便差科如違許人戶徑赴尚書省越訴六月二十八日福建兩浙淮東沿海制置使仇愈言乞立募船推恩體例詔沿海制置司在募到海船每一隻及一丈八尺以上白身人與進義副尉有名目人與轉一官資仍減三年磨勘八月七日尚

尚有言訪聞提點坑冶鑄錢至饒州司舊管小料七綱
共計船二百八十隻往來般運嶺南銅鉛等物料應辦
江東錢監赴鑄額錢並係應副上供綱運依紹聖四年
二月十一日敕旨應係本司大小料綱經過州縣更不
得截留附搭亦不許借撥別裝官物累年以來多是過
軍虜奪綱船前去今止有一十七隻致綱運歇闕雖已
措置應副般運竊恐後軍馬過往或其他官司依前承
例虜奪拘占詔虔饒州提點鑄錢司官船其過往軍
馬及他司州縣輒拘占截撥依紹興二年三月二十二
日指揮科罪仍許梢工越訴八月十一日侍御史江濟
言福建路海船頻年召募把隘多有損壞又拘靡歲月

不得商販緣此民家以有船為累或低價出賣與官戶
或往海外不還甚者至自沉毀急可憫念乞令本路沿
海州縣籍定海船自面濶一丈二尺以上不拘隻數每
縣各分三番應募把隘分管三年周而復始遇當把隘
年分不得出他路商販使有船人戶三年之間得二年
途便經紀不失本業公私俱濟其當番年分輒出他路
及往海外不肯歸回之人重坐其罪仍沒船入官如本
州縣網運即輪差不及一丈二尺海船其係籍把隘船
戶本州縣網並不得差使詔權令官戶並同編民仍委
帥臣監司自紹興三年將本路海船輪定番次其當番
年分輒出他路並從杖一百科罪其船仍沒官所有今

年募到人與理充一次十二月十日臣僚言伏見浙東西各置使提領海船浙西仇念於平江府許浦鎮駐劄然控扼山東海道尚為不可廢者閩東差呂源於明州提領則非仇念比近見指揮令呂源於已到岸海船內擇近下料例船一百隻先以發回朝廷已灼見其利害望罷呂源一司官屬見在舟船只令明州守臣兼領詔來年正月令呂源先次結罷三年七月一日江淮東路宣撫使劉光世言奉御筆處分已降指揮遣王璘蕩滅楊么賊眾全賴舟楫以濟卿可疾速揀選堪接戰船五百隻權暫應副事畢便復截留臣契勘本軍止蒙撥到李進彥船日近雖蒙撥到邵清船十餘隻往往壞爛

不允修補應副運糧況臣自來謹守法令不敢縱令軍
中強管私舟船要是別無得處竊緣韓世忠近因上江捉
殺收集到舟船三四十隻臣本州軍船十不及一今
不敢有違聖訓除已即時行下勾集諸處載糧舟船
候到見數遵依發遣赴王璣使用詔令劉光世依已降
指揮將李進彥見管舟船并棹梢盡數應副王璣使用
候回日發歸本軍九月二十五日岳飛奏本軍即日並
無舟船若遇緩急乞於本路州縣沿江不以官私舟船
和雇權借使用事畢給還詔令岳飛常切明遠斥堠如
探報外敵侵犯要是緊急即將本路州縣江道港汊不
以官私舟船盡行拘收隨軍使用事息給還即不得無

事便行拘收却致搔擾十二月一日神武前軍統制荆南岳鄂潭鼎澧黃州漢陽軍制置王玘言鼎州畫到大軍船小樣并長濶高卑步數望於下地江分及江西荆湖南北兩路各造一二十隻付沿江備禦使用詔令江南東西荆湖南北路帥司依樣打造二十七日中書門下省言江南西路安撫制置大使趙鼎奏本路邊臨大江控扼千里打造戰船二百隻般載錢糧船一百隻工費不下十餘萬貫乞就吉州推貨務支降見錢一十萬貫詔令吉州推貨務支降見錢二萬貫依數打造般載錢糧船仍開具料例及合用的確錢數申尚書省其戰船關送樞密院四年二月七日知樞院事張浚言近

過澧鼎州詢訪得楊公等賊衆多係羣聚土人素熟操舟憑恃水險樓船高大出入作過臣到鼎州親往本州城下鼎江閱視知州程昌禹造下車船通長三十丈或二十餘丈每支可容戰士七八百人駕放浮泛往來可以禦敵緣比之楊公賊船數少臣據程昌禹申欲添置二十丈車船六隻每支所用板木材料人工等共約二萬貫若以係官板木止用錢一萬貫共約錢六萬貫乞行支降及下辰沅靖州計置板木如係私下材植即行支給價錢和買使用臣已於隨行官兵請受錢物輒那金三百兩付程昌禹收管買木及剗下辰沅靖州多方計置應付去訖所有少缺錢物望賜量度應副勘會程

昌禹折券質已降指揮兩次各降過度牒五百道依推
貨務見買價直每道一百二十貫紐計價錢各六萬貫
專充打造戰船使用外詔依其張浚已應副過金三百
兩令程昌禹亦行打造戰船買板木使用仍仰辰沅靖
州依已劄下事理疾速計置不得別致搔擾四月二十
八日宰臣奏呈造船文字朱勝非等言近來諸路般發
綱運大段費力雖州縣優給雇直人戶少應募者蓋軍
興以後船戶例遭驅虜民間莫敢置船欲令兩湖江東
西後各造船二百隻專充運糧使用尚恐將來造到另
有指占上曰須於船上分明雕刻字號諸處不得指占
雖奉聖旨執奏不行 五年閏二月五日給事中陳與

義言州郡之間有一事而官民交病者雇船以轉輸是也州縣差雇無已水脚之費不肯方列戍江邊轉輸未減於前乞令諸郡破實民間堪乘載船不過一歲水脚所費而官民兩利可以支數年之用詔令江淞轉運司措置相度申尚書省十三日尚書省言車駕駐蹕臨安四方輻湊錢塘水濶流湍全藉牢固舟船往來濟渡近日渡船恃薄擇稍乞覓錢物以多寡先後於令上船是致爭奪壓過力勝或遇風濤每有覆溺詔令兩淞轉運司限十日更令添置三百料船五隻專一濟渡不得他用仍將見令怯薄渡船別行修換及覺察擇稍等不得乞覓如有違戾重作行遣五月十日兩淞轉運副使

吳革言江浙諸州軍打造九車十三車戰船以備控扼
緩急遇敵追襲掩擊須用輕捷舟船相參使用今倣湖
南五車十槳小船樣制理宜措置打造奉聖旨令諸路
依樣更行打造內兩浙東西路各一十四隻江東一十
二隻江西一十六隻並令逐路漕司分拋本路見造車
船州軍打造仍候指揮到限五十日一切了畢劄付本
司疾速施行又奉聖旨卽文浙東船隻依已降指揮分
拋製造每支先次支錢一千貫並於客人貼納鹽錢內
取撥疾速計置材料打造詔許支撥其餘州軍依此十
二月二十二日詔昨降度牒分下州縣付上戶打買舟
船雖江海平海樣製不同但堪乘載並就本縣交納縣

差人管押赴州州團綱差人押赴轉運司限日下交納
如有些小未備下船場修整敢有邀阻乞覓依非泛科
取受錢物指揮施行從殿中侍御史王縉之請也 七
年四月五日中書門下省言諸路造船場歲額打造運
糧綱船各有立定數目比年拖欠不敷訪聞本路監司
多是科撥打造座船以應副朝廷為名侵耗工料於打
造年額綱船相妨遂致綱運座船般載顯為未便詔諸
路船場不許打造座船雖奉特旨仰彼官司執奏不行
其年額綱船不得依前拖欠如有見造座船改作糧船
使用十二月十七日宰臣奏江東轉運司乞神主所用
船於六宮船中借至鎮江府發還上曰朕奉祖宗要極

嚴備豈問還與不還他日大官之用別差綱船亦可
宜令擇堪好者供神主乘載二十八年七月二日
福建路安撫轉運司言昨准指揮令兩司共計置打
造出戰魴魚船一十隻付本路左翼軍統制陳敏水
軍使用契勘魴魚船乃是明州上下淺海去處風濤
低小可以乘使如福建廣南海道深闊非明海洋之
比乞依陳敏水軍見管船樣造去底海船六隻每面
闊三丈底闊三尺約載二十料比魴魚船數已增一
倍緩急足當十舟之用詔從之其合用錢令本路轉
運司上供錢糧內應副不得因緣科擾九月二十二
日殿前都指揮使楊存中言本司見打造海戰船合

用請會船水人駕放乞從本司水軍招收少壯諸曉船
水百姓一千人並刺充虎翼水軍應副教習使喚請給
乞依紹興十年所招虎翼水軍已得指揮則例文破從
之 二十九年七月一日詔州縣應沿流係籍之舟不
舟不許官戶隱占並令輪次差撥番休迭用務在平均
如有違戾委自知通覺察按劾以聞從左司諫何濟之
請也 三十一年六月二十七日中書門下省奏温州
進士王憲上言伏覩給降空名告下福建浙東安撫司
打造海船緣兩路船樣不同乞下福建安撫司依温州
平縣蒲門寨新造巡船面闊二丈八尺上面轉板平坦
如路堪通戰鬪乞令人戶依此打造其温州二丈五尺面海

船力勝却之行下依憲自己海船樣為式庶幾將來海道兩路舟船不致攙先拖後得成一艘容易號令所有造到海船之人所補官資之作隨軍補授出身詔王憲陳獻海船利害委有可採補承節郎差充温州總轄海船建義校尉朱清與轉一資差充温州海船指揮使三十二年二月二十二日尚書省言淮南轉運司舊有祇備人使舟船三十餘隻自去冬軍興已前盡皆發往荆西今來信使復通若再行打造決不可辦訪聞其船轉移作人事及有拘占在別官司及官吏之家乞令淮南轉運副使楊抗逐一開具元管船數不以甚處執占並日下發遣以備使人回程及將來久遠之用若或隱

匪致諸色人告首重作施行從之閏二月十九日判建
康府江南東路安撫使張浚言本府界松江通計二百
五十餘里緊要渡口止是七處若措置巡捕委可禦捕
惟是打造舟船合用錢物乞支降錢四萬貫仍乞以度
牒并承信郎迪功郎及助教告教降下其松江州郡亦
乞依此應副打造使用詔建康府支錢四萬貫鎮江府
支三萬貫江陰軍太平池江鄂州荆南府各支二萬貫
並以空名迪功郎承信郎助教告教度牒折支仍令建
康府畫保開報逐處專委守臣與水軍統制統領諸曉
造船之人同共措置限七月以前了畢四月三日詔淮
南運司見行修整奉到虜人根船慮有底板疎漏不堪

修整枉費工料可盡數發赴兩浙轉運司交割委官相
親重行修換務要堅固不悞使用七月二十七日孝宗
已即位江淮東西路宣撫使張浚言昨降聖名告身度
未改元牒下松江諸州軍打造戰船令鎮江府率先造成二十
四艘守臣趙公稱委勤於職及措置打造官水軍副統
制李琦監督有勞乞與推賞詔趙公稱減三年磨勘李
琦減二年八月二十三日詔海船人戶其間有出力自
辦為國竹槩之人或許更戍而願長役者所屬保明申
奏當議推恩 孝宗隆興二年五月二日江東宣諭使
司言去年三月都督府下明溫州各造平底海船十艘
因明州言平底船不可入海已獲旨準年例藉民間海

海船更互防拓近都督府再令造船每十隻之費公家
支經總錢三萬貫兼材打採木公私受弊又令兩浙漕
司造江船百艘所費尤甚今相度欲令逐州據已辦船
數取旨未造數目更不打造從之 乾道元年二月二
十三日兩浙運判姜詵言北使及接伴一行舟船合用
三十五艘平江府振差岸蒿燈籠牽挽計一千八百二
十六人慮人數稍多欲將平江府所計人數為準除牽
挽一百人仍舊差軍兵倉庫外於合用燈籠岸蒿人數
量損百人通實用一千七百二十六人其餘沿流州府
亦乞依此裁損從之八月二十五日江西運判朱商卿
史正志言贛吉州船塢每歲額管造船五百艘近歲所

這根船殊極簡賤皆造船官吏通為姦弊本司相去地
遠難以稽察欲乞將贛吉兩州船官見今四員於內各
省罷一員所存留一員自今止差文臣兼贛州造船多
阻於灘磧今乞移贛州一所就隆興府^監制場打造本司
朝夕可以稽察仍乞降旨自今兩船場各官到罷并就
本司批書底幾專以可以督責從之 二年二月十六
日鎮江府駐劄御前諸軍都統制郭振言乞差交替
海船篙梢等輔臣洪适等請以州明未立功無名月二
百人前往鎮江管船底幾免差替為便上善之令優給
盤費遣發六月二十四日上問輔臣福建廣南盡給兩
軍修之九月二十一日殿前司言於本軍差擇官兵二

十人募海船二十六艘差左翼軍統領李彥椿部率於
江陰軍岸次繫泊裨壓海賊其船元係自泉州遣發未
給路券乞令江陰軍依昨江上人船例給錢米券曆應
副食用從之 三年八月五日權尚書工部侍郎薛良
朋論防江乞集松江民夫踏駕車船預行分撥上以違
事不興恐徒煩擾不許止下建康鎮江守臣密措置候
有緩急乃集十二月十八日御前武鋒軍統制兼知高
郵軍陳敏言竊見兩淮州軍界經殘破今流移散徙之
民方漸歸業全賴客旅與居民傳易用蘓民力欲乞詳
酌許令客旅舟船不以大小通放依舊往來但乞罷教
沿淮官司禁止舟船不得渡淮從仍詔舟船往來令高

郵軍給引立限四日依舊赴本軍繳引照驗四年三
月十日知建康府充江南東路安撫使兼沿江水軍制
置使史正志言乞將所椿兒錢十萬貫收係制置司水
軍赤曆擇買良材所產杭州軍就建康置場增造一車
十二槩四百料戰船相兼使用從之十二月十三日福
州番船主王仲珪等言本州差撥海船百艘至明州定
海馮港軍前乞照平江府近年支給梢手等人贍家錢
例下明州支給詔明州依平江平府例支其平五年三
月二十八日詔修武郎鄭遠持授教武郎以遠部海船
許浦防托應格也四月五日殿前司護聖步軍統制兼
權發遣楚州左祐言本州之東地名鳧魚溝接淮海最

為控扼近申明將本州兵馬鈐轄羊滋移往其地警察
姦盜管轄海船緣元轄海船二百餘艘今已拘其半皆
積久捕魚射利之民累往清河口備禦并連海州軍糧
間探之類甚為濟用其一帶正瀕淮海地分闊遠羊滋
獨負或緩急却致散漫誤事今欲創置使臣二員從祐
踏逐土豪有材力諳曉地利衆所推服之人專充管轄
海船機察淮海盜賊聽羊滋驅使從之十月六日權主
管殿前司公事王逵言水軍統制官馮湛近打造多衆
船一艘其船係湖船底戰船蓋海船頭尾通長八丈三
尺闊二丈並淮尺計八百料用漿四十二枝江海淮河
無往不可載甲軍二百人往來極輕便乞朝廷降下式

樣令明州製造三五十艘以備急緩禦敵殿前司具呈
造船每艘計用錢一千六百七貫七百有奇其所造五
十艘計錢八萬三百八十九貫詔馮湛依樣措置打造
五十隻 閏五月十六日西泐路轉運判官呂正已言
行在百司等處見占本司座船並不承受差使往往要
開處艮泊私醞沽賣酒氣薰蒸日漸損壞却經由所占
官司陳乞於本司船指名對換如此則依倚昨過壞官
船之人常得遠志妄竇非宜欲自今應百司占破舟船
如實損動即開本司檢計修整或不堪來則發元船并
稍工以憑選換庶幾機懲勸小人愛惜舟楫從之七月十
九日四川宣撫使司言利開州岸溉見管漚叙嘉眉等

州打造馬船一百十七隻委官相視選撥往江池州都
統制司其利州所管止十二艘堅壯并閬州委官選擇
止十三艘堪修餘打造年深板木朽損乞除兩州所選
二十五艘外餘數下所委官估賣尙價詔令宣撫司將
堪用船二十五艘疾亟發往江池州兩都統制司收錄
餘船令本司措置修整八月十五日兩湖路轉運判官
呂正已直敷文閣權兩湖路轉運判官胡昉言應辦人
使或遇運河淺濫從前不曾措置輕快舟船今打造
淺鐵頭等船共一百艘竊慮諸處官司或妄指占乞
不許諸處占差底幾不至之事從之十一月九日詔兩
浙轉運司每應辦人使舟船管船臣往往差於臨時不

能管轄自今專委臨安府於緝捕弁所管使臣內選有
心力才幹使臣每船止許差一員管轄及每船添差八
廂一名親從一名作管船軍員名色同使臣自盱眙軍
至行在往回幹莊如能伺察違犯及失察重加賞罰二
十日兩浙路轉運司言北便一行舟船所合用篙手承
前皆舟梢召募多游手不根之人今相度欲下浙西巡
檢縣尉每過人使刷差慣習操舟土軍弓手通百三十
名保明赴司撥作逐船篙手往回更代不許他役應辦
軍發歸庶幾稍知法禁不敢為姦從之七年正月十八
日詔平江府守臣將已到當番海船照年例給槁其所
發州軍海船隻數丈尺及格與否并船主職次姓名鄉

賁年甲保明申樞密院推賞後本官言在岸防托月日不多難全推賞並減半七月二十一日高郵軍駐劄御前武鋒軍都統制魚知高郵軍陳敏乞根刷羊家寨海船上詔稱臣恐妨漁業不許止詔敏彈壓十月十二日樞密院言明州正係要衝之地制置司雖有水軍皆諸處差至不諳水勢欲下廣東於增招水軍內抽差五百人福州新招水軍盡行發遣及兩處官船器甲等并乞量抽船隻福州延祥寨三隻荻蘆寨兩隻劉崎一隻南匿寨一隻泉州寶林寨三隻潮州水軍兩隻廣東水軍天地元黃字號五隻並來明州駐劄從之八年二月六日詔福建安撫司將已招水軍五百人畢數起發

仍令諸寨選擇堪壯大船五隻來載往公海制置司水
軍收隸却從福建安撫司截上供錢造海船二隻使用
同日詔鄂州荆南江州差荆南守臣姜詵池州以下差
樞密都承旨葉衡點檢諸軍戰船具數奏聞仍令逐軍
疾亟修整先是輔臣言諸軍戰船久不點檢恐日後有
候備禦上曰舟楫我之所長豈可置而不問故有是命
四月十三日兩浙路計度轉運副使沈度胡堅常言浙
西逐州年額合發上供苗米及和糴米料竊聞近州多
乘急下諸邑名則和雇料擾不一相度欲下浙西逐州
各措置造三百五十料舟船專一應副相兼船運米料
詔兩浙轉運司自造三十隻不得料擾十二月十九日

樞密院言准東州縣循習舊例差百姓為往來士夫章
稅舟船及差雇夫馬極擾詔准南轉運司下所部州縣
今後除朝廷所差賀生辰正旦及接送伴北使往還外
餘並不許差雇應副 九年十一月一日江南西路轉
運判官劉煇言已降獲旨從本司所陳吉州造船場移
隆興府臣緣前奏猶有未盡不敢隱默吉州一歲運米
三十七萬除石合用五百料船六百餘艘每歲吉州船
場造歲額舟船止應副吉州一郡猶或不足又造船板
木專取之賴袁州逐州去吉州為近今失之溝瓦遷移
比來歲自隆興府汴流撥船至吉州載上供米却自賴
袁州運米至隆興府道里回還得不償費為計非便難

以久行理合更較經久害利從長施行詔吉州造船場
權令依舊仍仰帥憲提舉司同相度經久利害便連銜
保明以聞其後遂司言吉州船場已移隆興府材物正
匠其數不一如今復還舊所慮往反煩費欲且就隆興
置立從之

全唐文

宋續會要

船

孝宗淳熙元年二月十二日中書門下省言裁減兩浙
路造船場每年置造糧船宜別立額温州元額一百二
十二隻今減作五十隻詔兩浙轉運司自此督責逐處
須管依數減定其秀州造船錢物并逐處工匠並不得
侵移私役十三日詔楚州鈐轄賈懷恩不時往羊家寨
點檢海湖船仍於本寨內選擇堪任部轄人專一管轄
毋令越境作過五月二十九日詔應有戰船去處每半
一次委官檢計脩整二年六月十一日詔併温州兩
造船場為一場從浙南運別閏九月二十一日詔罷廣

東福建造船 三年十月十二日執政進呈建康都統
郭剛奏公司應管車戰等船內有損爛已行補填依海
船樣制造到多槳飛江戰船上曰車船古之艤衝幸已
歲用以取勝豈宜改造可令郭剛具析并約束沿流諸
軍遇有損壞隨即修葺不得擅有更易其多槳船止許
逐軍自行初造並不得用充新管車戰船數十一月一
日詔錢良臣造多槳船百餘隻昨令沈復覈實可用與
轉一官 五年二月三日詔福建帥司行下本路州軍
泃東帥司行下溫台州將稽定三番海船內將合起發
番次數月起發一番福建船差官管押前來平江府許
浦水軍擺泊聽于友散閱泃東船前來明州沿海制置

司於定海擺泊聽水軍教閱並限八月一日到岸毋致
違滯應合行事件並依乾道七月十九日指揮仍委逐
州軍守臣覈實支散錢米起發通判專一點檢並要已
印號元籍定面闊丈尺堪好壯船及疆壯梢碇水手隨
船繩帆損具一切足備如有減裂如通當重寘典憲

六年二月八日詔諸路起發到海船並自指揮到日為
始放散可照年例支給犒設餘合行事件並依前後已
得指揮體例五月七日詔侍衛馬軍都虞候馬定遠於
江西州軍出產材植順流去處委官造兩船一百隻暗
置女頭輪槳決可折卸遇軍馬行則以濟渡遇賊則以
迎敵六月二十三日詔建康府場務支撥銀二千錠付

鎮江府駐劄李思齊脩整戰船及造馬船三十隻其監
本錢候二年後作二年理還九月二十二日詔湖廣總
領劉邦翰周嗣武鄂州江陵府駐劄郭鈞檢視氣脩戰
船減裂內邦翰去官日久特與放罪周嗣武展三年磨
勘郭鈞特展二年磨勘八年八月三日荆鄂都統岳
建壽言前任帥臣郭鈞所造八車船十隻今已造成五
隻重滯不堪行使餘舟乞改造上曰可改造七車六車
五車共五隻湊足十隻九年二月十八日詔福建刺
東路淳熙九年分當番合起發海船與免起發一年十
年正月二十八日詔沿海制置司於傑省錢撥二萬貫
修整海船仍自今須制置司與水軍同共任責稍有損

壞隨即修整毋致積壓重費官錢六月十二日工部侍郎李昌圖言本部有兩湖湖南江西三路七州造運糧船乞下三路轉運司相度逐州每年合用實數外並與減免其累年未造若曾支官錢即追理填納詔逐路轉運司相度以聞既而兩湖轉運司奏逐州船塢淳熙元年已經裁減其拖欠船隻每遇起發木料多是僞文索賈和雇客船今欲將淳熙二年至六年少欠糧船特與蠲免其七年至八年九年未足船隻自十年為始均作三年帶造補發荆湖南路轉運司奏欲將年額所造松木糧船一百六十八隻裁減六十八隻每年定造松木糧船一百隻庶經久可與客船相兼裝載江南西路轉

運司奏昨準乾道五年九月二十七日指揮自當年為始每歲減免一百隻令兩州船塢造四百隻並是本司支撥見錢即無追擾若更行裁減竊慮起發綱運必致妨闕並從之十三日知福州趙汝愚言本路海道闊遠盜賊出沒不常全籍戰船逐時出海巡捕其間有年歲深遠損壞去處除本州自備錢物措置修葺外有漳泉州管下巡檢司都巡石井鎮石湖小兜巡檢四寨漳州漳浦沿海中柵巡檢二寨興化軍吉了巡檢二寨並各見闕戰船乞行下泉州興化軍於合發窠名錢內每船量與截撥錢五百貫資添貼打造詔逐州軍合發戶部上供錢內依數截撥八月七日建康府統制官陳

鑿指置創造車戰等船九十隻都統郭剛奏乞量加旌
賞樞密使周必大等奏前此未曾行上曰難為開例可
令本軍支槁設錢一千貫 十一年二月二十九日殿
前司言本司水軍駐劄許浦所管南船寄泊青龍人船
相離數百里遇有發遣前去取船水陸迎枉兼青龍港
窄狹水流浚急欲將南船盡數移戍昆山縣顧迺港擇
高阜地段建一大寨量合用人数於許浦差撥同老小
前去一處居住詔浙西提刑傅洪同本軍統領相度經
久利便保明申樞密院既而洪等相度顧迺港屯泊南
船比之青龍港稍深去海頗近委實利便從之 十三
年三月二日殿前副都指揮使郭 言承指揮福建路

起發到海船並自指揮到日放散今據水軍統制林震
申乞將本軍大南船二十二隻依舊就願巡安泊差撥
官兵一千人將帶衣甲器械戍守戰船及差輕捷梢船
四隻不時與黃魚梁出戍兵船往來迎捕盜賊又應願
運將來春水泛溢日逐兩潮衝擊有損戰船合於附寨
港岸開塢取令深濶將戰船盡數入塢安著如法搭蓋
不拘大小潮汎並要浮動出入快便庶幾穩當從之
十二年五月二十五日詔福建師司行下本路州軍將
籍定三番海船內將合發番次數目起發一番差官管
押前來平江府許浦水軍擺泊防遏海寇聽本軍教閱
限八月一日到岸其應干合行事件並依乾道三年七

月十九日指揮施行 十五年五月乙日詔池州駐劄
御前諸軍副都統制李思孝特轉一官其所造戰船令
都統司行下本軍常切愛護毋致損壞以淮西總領趙
汝誼言思孝所造戰船二十七隻打造精緻故也八月
二十一日樞密院言殿前司申平江府許浦駐劄御前
水軍修整南船三隻多裝船八隻合用木植物料已行
關撥官錢往浙東路明州山場計置買辦乞從年例行
下差撥南船三隻將官一員管押駕船樁梢官兵共二
百人作三運舡載歸軍詔依仍不得夾帶商稅禁物往
來興販 紹熙二年三月十三日奉執進呈錢端忠奏
檢視軍馬行司下半年船上曰諸處戰船須是別差官

檢視損者與修總所申恐文具緩急誤使用四月二十
九日案執進呈林桶奏今後防秋海船乞支全賞上曰
海船要備緩急之用全賞雖未可行亦須稍加優恤
三年八月二十七日詔殿前司行下泉州左翼軍將創
造到海船三隻常切愛護毋致損壞十月二十五日三
省樞密院奏事進呈權發遣楚州皇甫斌奏欲措置造
雙桅多槳梁頭闊丈二三海船二百隻不過費朝廷十
萬餘緡可以備不測守禦上曰一船上不知用多少人
令且造一百隻務要堅壯畢工日更加審驗五年十
月二十三日臣僚言西興渡船乞令轉運司并臨安府
日下契勘如有損壞船隻即行修整庶幾行都之下大

江往來人人得以安濟從之閏十月十九日沿海制置
司言水軍見管海戰船三十八隻內有未修船十五隻
計料實用錢三萬一千六百五十五貫五百乞料撥官
錢下水軍趁時收買物料併工修造詔令封樁庫依數
支奉 慶元二年三月二十五日兩浙漕臣王溉言臨
安之湖江龍山紹興之西興漁浦四渡舟船做鎮江都
統制司所造楊子江見用渡船樣打造以便往來仍乞
下鎮江都統制司時暫差備高手工匠二十人應副差
使所有材料工食往來之費乞於本司椿管錢內支撥
從之 嘉泰三年七月五日殿前副都指揮使郭倪言
諸軍所管舟船年深損漏雖有堪用者亦難重載竊恐

緩急關誤今於保德門外本司後軍教場則起造船塢一所委官監督造到八百料馬船四隻五百料六隻乙差官檢視大郎兼造到五十料小船一百二隻除已發一百隻往平江嘉興牧放去處打割馬草外船塢見有二隻就乞檢視從之八月十三日淮西總領所言近遵指揮選委建康府中軍統制許國興前去池州相視秦世輔所造新樣鐵壁鉅甯平面海鵠戰船委是快便詔三衙江上諸軍有戰船去處遇有損壞取會池州式樣制造施行海鵠船一隻一千料兩邊各安艖五枝辟龍一枝船身通長一十丈計一十一倉梁頭闊一丈八尺中倉深八尺五寸船底板闊四尺厚一尺拖泥艖板厚

三寸樟梁一重兩邊小棚板闊三尺五寸裝龍護膝板
高一尺上安女頭高二尺四寸裝載戰士一百八人踏
駕捍梢水碗手四十二人鐵壁鉗船一隻四百料兩
邊各安車二座并裝三枝船身通長九丈二尺計一十
一倉梁頭一丈尺五深五尺船底闊八尺五寸厚六寸
拖泥艤板厚三寸通心脊骨一條厚九寸樟梁二重兩
邊安護車齊頭木盡牌二十八面各高六尺八寸週遠
安護膝板高一尺上安女頭高一尺四寸裝載戰士七
十人踏駕兵梢二十人 四年二月九日建康都統制
董世雄言長江桅柁去處平日措置舟師戰艦最為急
務昨來買到戰船木植細小不堪使用今將別差官將

帶錢物前往上江收買大徑寸迭料木植歸司打造竊緣本司戰船數多不及修補費用極多要是匱乏無可措手乞依別司體例撥賜錢五萬貫付本司計置木植物料修造戰船使用詔支錢三萬貫令封樁庫以金折支仍依元納色價值紐計嘉定十二年三月三日臣僚言國家自殘虜渝盟之後屯戍日增調度費廣餽餉之計誠所當先漕運之舟豈可不備今得之傳聞謂所在漕司舊例有截留舟船去處多為他司宛轉囑託勒令通放不許截留致使裝發之際無以應用而轉輸之限或致後時姑以江東漕司言之江西路舊例應副江東漕司三百料船一百八隻却撥廬廢麻皮以償之紹

興以後咸免一半台拘五十四隻淳熙間亦嘗拘到一百八十餘隻年深損壞不堪裝載又因永平不甚輸運問自住截開禧之間漕臣以米餽不繼遂為總司所劾職此之由繼而漕司照例截留江西網船在岸網梢失覓載之例群訴於總司信其偏詞徑與通放目今並無船隻遇有截運旋雇客船多致欠折且當邊境晏然尚慮無舟可雇萬一騷動客船罕至官又無船豈不誤事乞降指揮令漕運去處有截留舟船舊例者依舊拘截擺泊岸下以備措運其無例截留者並令日下造船以備飛輓庶幾緩急之際糧道不致泛絕從之十四年五月四日温州言制置司降下船樣二本仰差官買木於

本州有管官錢內各做海船二十五隻赴淮陰縣交管緣前項海船費用至廣打造了當又須差雇梢碇水手委官押撥沿支給盤纏錢米共約五貫餘緡本州窮陋海邑村計無以那融乞降度牒五十道發下轉變應副打造詔令封樁庫於見椿度牒內取撥三十道付温州專一充打造淮陰水軍海船使用每道作八百貫文變賣十五年十二月十六日詔令封樁下庫於見椿湖廣會子內取撥二萬九千九百七十貫付鄂州都統制司專充打造濟渡船隻使用務要如法併工造辦不得苟簡減裂先是沿江制置司言乞下鄂州都統制行司及漢陽軍等處斟酌漢川縣平塘陽臺陽子港南河白

馬網頭六渡大小合用渡船數目預行措置打造渡載
軍馬等用尋下戎司相度措置欲砌打大小馬船三十
隻脚船三十隻計料到約用收買材物價錢九萬五千
六十貫一百七十五文湖會人工九萬八千二百四十
五工既而制司言都統制司所申打造六十隻之數既
令本司斟酌合用船隻竊陽目漢陽大江等處濟渡共
有七處又有戎司雜載軍需皆不可闕欲先行下戎司
打造三十隻內一千五百料一千料三百料馬船各五
隻七十料脚船十五隻候了畢日更與接續打造十隻
大小船并脚船共有四十隻則儘可濟度所有計料先
造三十隻合用材物三場價錢當二萬九千九百七十

三貫五百四十五文工四萬五千七百三十工故有是命

庫

全唐文

宋會要

內藏庫

太宗太平興國三年十月置在左銀臺門外又有西庫
景福庫隸焉常度歲計餘積供邦國之用以諸司使副
內侍置為監官或置都監別有內侍一人點檢

宋會要

太宗至道二年七月詔河北三十五州軍淮南二十一
州軍山南東道十州京東應天府江南昇潤州緡並納
內藏自餘納左藏

宋會要

真宗咸平五年七月詔川陝商旅鬻銀者聽詣官中賣

每兩添錢一千遞送內藏庫收掌候有旨乃得支撥
六年二月詔內藏庫專副以下不得將庫管錢帛數供
報及於外傳說犯者處斬真宗景德二年五月十日詔
內藏庫監官專副得替後支一季食直錢二十四日詔
推貨務入中金錢見錢並納內藏封樁其紬絹絲帛納
左藏仍擬數充左藏見錢入內藏景德四年四月內藏
藏庫言準宣以新衣庫充封樁庫乞別賜名及置庫兵
詔以內藏西庫為額十月內出龍圖閣待制陳彭年所
撰內藏庫記示宰相王旦等真宗曰太祖以來有景福
內庫太宗改名內藏庫所貯金帛備軍國之用非自奉
也顧外庭不知耳二聖平荆湖西蜀表江左東河親祀

郊丘所費鉅萬皆出於是不出於民三司所假凡六千萬自淳化迄景德每歲多至三百萬少亦不下百萬累年不能償即命蠲除之昨令彭年述其事實此庫乃為計司備經費耳且計司有闕必取於民苟非節用何以獲濟因言漢武外事四夷北伐登單于臺西征莎車師勞內地以勤遠方此所以財用不足也樞密陳堯叟曰漢武末年戶口減半乃封丞相為富民侯是亦悔於用兵也帝然之

宋會要

真宗大中祥符元年二月內藏庫言舊制豈取物色皆降御寶憑由除破近因條約庫務亦令經由三司望再

降詔旨止令尚書省勾檢從之二年四月提舉內藏庫
劉承珪等上新修庫簿詔獎之賜承珪馬二疋器幣二
百掌事官典並遷秩賜緡錢帝謂輔臣曰承珪此簿述
金帛自置是庫已來出納年月極於周細深可獎也五
年十一月劉承珪言以建庫以來承受宣敕條貫本庫
鈐轄事件編成須知五卷以進詔褒之仍令自今宣敕
條貫按法編綴六年七月詔內藏庫若般錢絹赴景福
庫封樁騰移即申三司差驢車三十兩裝皇城親從
官百人般運其左藏庫送還錢只抽那親從官百人指
錢如綱運稍稀止五十人九月詔西川納綾羅錦鹿胎
透背其裘絹並令內藏入帳收數送染院染黃充封禪

之用八年閏六月內藏庫言三司所借金銀綵帛其數至多舊借金銀即以饒歙等州及諸路所貢充還今來諸處納到三司直送左藏本庫漸失封樁數目不應劉承珪勾當往例詔三司規畫填還九年四月提舉諸司庫務秦義言准宣與入內殿頭一名計會內藏庫監官同看驗染院染經火紕汙繒帛千六百疋雖不堪封樁緣裁造院內衣庫稱堪製造衣服詔釋其罪餘不得緣此為例天禧二年七月詔內藏庫搢兵卒勾賜錢二百串者半之自今給賜如常從本庫之請也八月詔出賣疋帛場自今於內藏庫交撥疋帛令三司給帖交數內藏交訖繳送三司撥帖除放其賣到錢却送內藏庫三

年十二月三司言准詔與內藏庫會議自今撥鹽稅錢及歲別出錢六十萬貫赴左藏庫從之是月內藏庫言奉詔與三司商量舊例逐年內藏庫退錢三十萬貫與三司今來三司每年更要三十萬貫本庫將天禧二年饒池江等州鑄到錢七十萬貫已來為約若每退出錢六十萬貫文與三司外有一十萬在庫每三年却管認南郊大禮錢二百萬貫即侵本庫錢七十萬貫如是饒池江等州鑄錢及得元額一百五萬貫到庫即每年退出外有四十五萬貫文在庫每三年南郊大禮却支錢一百萬貫外三年內共有錢三十五萬貫文在庫又緣年額諸州鼓鑄送納常是數目不定今欲與三司商量

若逐年通共退錢六十萬貫文准備支用即更不別作
名目申奏乞降宣敕撥借內藏庫錢帛詔內藏庫每年
退錢六十萬貫與三司自今三司更不得申奏乞於內
藏庫指射撥借錢物如稍有違其三司干繫官吏並行
朝典

宋會要

仁宗景祐元年九月二十三日中書門下言近累於內
藏庫支撥錢帛與三司收糴軍儲宮中餘羨物色乞指
揮詔曰朕以宮闈之間務先儉約軍國之用宜在優豐
念有司經畫之勤出中禁冗餘之物俾資常費式表推
恩宜令入內內侍省將尚氏等位金銀錢帛物色除各

已優厚給賜逐人外擴見在數准折價錢二十一萬貫
委內藏庫撥與三司支贍軍旅使用

宋會要

仁宗至和元年二月三司言陝西河東歲減西川所上
物帛而軍衣不足又河北入中糧草數多未有紬絹美
還請貨內藏紬十萬絹四十萬欲先輸左藏庫緡錢二
十萬餘計其直以限還之從之六月二十三日中書門
下言近令內藏庫支撥紬絹五十萬足見錢三十萬貫
應副河北收糴斛斛詔紬絹見錢令內藏庫依累降指
揮疾速支撥其見錢令三司於逐年退錢內每年撥還
十萬貫三年還足八月出內府錢二百萬令入內供奉

官勾當御藥院張茂則置司以市河北入中軍糧抄尋
以諫官言而罷之先是上封者言河北入中軍糧京師
給錢還銀絀絹商人以次美請久未能得其抄每百千
士鬻錢六十千今若出內藏庫錢二百萬千量增價收
市之歲可得遺利五十萬帝以為然故施行之而言者
以為內藏庫權貨務同是國家之物豈有權貨務固欲
滯商人美抄而今內藏庫乘時以市之與民爭利傷體
壞法莫此為甚故罷之英宗治平四年神宗即位未改元二月
三司言乞銀三十萬兩準備支賜令內藏庫除依舊嘉
祐八年所支銀外更與支銀五萬兩神宗熙寧二年
正月十九日上宣諭曰近見內藏庫帳文具而已其財

物出入全無關防先支龍腦珠子付權貨務出賣經數年不納價錢亦無拘收嘗聞熙寧二年正月十九日神宗語大臣曰太宗時內藏財貨每千計用一牙錢記之每物所用錢各異其色他人莫曉也貯於匣中置之御閣以參丈帳中數晚年嘗出其錢以示真宗曰善保此足矣今守藏內臣皆不曉帳籍關防之法當擇人領之即命勾當御藥院李舜舉代其不職者九月六日制置三司條例司言乞令江淮等路發運司於六路諸雜上供錢內截留三二百萬貫令糴買上供之物其借過內藏庫錢及變轉過合係內藏庫年額物帛却令發運司認數逐年支金三百兩銀五十萬兩赴內藏庫永為年

額十月一日詔江淮發運司今後應截留內藏庫物移
用即時具數關牒本庫照會是月詔應江南等路提點
銀銅坑冶司所轄金銀場冶收到金銀課利今後並依
久例盡數入內藏庫委所屬州軍至次年春季起發赴
庫交納及抑提點坑冶司每年據場冶申到所收金銀
細數攢寫為一帳申三司拘催內藏庫錢帛案其拘催
案據帳照勘訖翻錄下內藏庫置籍抄上候年終納絕
鈎銷訖具狀以聞及申拘催案如過期綱運未至即申
舉催促其他路分場冶不係江南等路提點坑冶司所
轄者即仰本路提點刑獄司准此施行

宋會要

淳熙元年六月二十三日詔自今諸路提刑司保奏知
通經總制無額錢賞委戶部并司勲審會內藏庫如無
虧欠本庫上供諸色窠名錢物方許放行七年七月二
日詔內藏庫將兩淮諸州軍合起發本庫綱運銅錢並
行下以銀會各半送納既而八月二十九日又詔如全
納到會子令除合納分數外並退回八年八月十七日
詔諸路轉運司行下諸州軍自今起發綱運如未敷內
庫正額不許先納寬剩以內藏言明州合納淳熙八年
坊場錢出限兩月止納到一千五百貫却先納左藏庫
七分坊場寬剩錢恐諸路州軍以此為例有悞支用十
一年十月一日詔浙東路合納內藏庫坊場錢可依自

來立定祖額

詳見酒
趙雜錄

嘉定十一年十二月五日臣僚

言恭惟陛下清心寡欲嗜好不聞聲色不邇營繕遊
觀未嘗從事服飾燕樂罔或踰度是宜府庫充斥阜若
邱山而臣近得之道路謂內帑之儲殊非昔比何為而
然耶昔我祖宗之世內帑所積凡實邊備供軍儲賑水
旱皆於此乎出三司有闕則於內藏庫假貸故自淳化
至景德每歲多至三百萬少亦不下百萬天禧間四年
之內三司所借錢絹九百十七萬康定元年九月出內
庫錢絹百萬助經費十二月復出內庫絹百萬助邊費
此猶曰全盛之時未易言也中興駐驛吳會亦且出內
帑以佐調度以犒戍兵以濟水旱雖逆亮叛盟師興財

費而無橫歛暴賦及民者以素有儲積也及憲聖慈烈
皇后尊居慈福當時宮中所入已非大內之比而金帛
緡錢府藏充塞此陛下之所親見今諸色窠名與夫房
廊僦賃之屬皆猶舊也安得至是而遽耗哉臣來之公
論皆以為諸州合解之數以屬托而寢虧生藏出納之
司以肆欺而侵盜今非使有所稽察以防欺竄俾合解
者知應期會出納者知畏簡書則其患豈易革哉昔成
周以太宰制國用而九府皆隸焉雖王及后世子服御
膳羞有所不會而亦悉得以統之此欲其以道佐王之
意深矣祖宗之制修內司收支文曆亦令赴比部驅磨
其後寢失此意僅存文具哲宗朝上官均為監察御史

謂先朝以金部右曹主行內藏受納寶貨支借拘催之事而內藏庫受納又隸於太府因請令戶部太府寺於內藏諸庫得加檢察祖宗深長之思於此可見臣願稽成周設官之制考祖宗綱維之法宣諭大臣參酌施行已過者姑勿復問方來者必杜其欺使奸弊息絕無蹈前習則日累月益雖如祖宗之盛可也從之

宋會要 左藏庫

淳熙元年三月十七日詔差皇城親事官四人於左藏南上庫外門添置一門分番別行搜校其差替賞罰並同東西庫見行條例從起居郎提領南庫宋延祖請也九月二十四日詔左藏南上下庫各置監門一員於文

武臣內堂除任滿無遺闕典減二年磨勘二年正月二十
十五日臣僚言戶部及州郡支借左藏南庫錢六百七
十三萬餘貫乞令提領所條具立期限撥還口後不得
輒乞支借遇有陳請許有司執奏不行從之六月二十
三日詔提領左藏南庫所拘催諸路窠名錢作四季撥
還戶部以去歲到左藏庫錢為額據數分撥至歲終出
豁先是有詔諸路坊場僧道免丁錢除戶部截使支遣
大軍外其餘數目不得擅行拘截令提領左藏南庫已
交納錢內撥還至是戶部言若候歲終撥還恐妨支遣
仍乞自是每月於次月上旬徑從本部關報南庫撥已
交納錢銀會子正行拘撥故有是命三十日詔提領左

藏南庫自今步軍司每歲支借乾草本錢特免執奏先是步帥李川陳乞借支乾草本錢已而本庫言承準二年正月指揮日後不得借支遇有陳請許行執奏故有是命九月二十五日詔自今封樁庫支降會子付官司支遣却令左藏南庫以金銀見錢紐計撥還封樁十月六日詔提領左藏封樁庫監官別行差人兼權其監門就用南上下庫監官兼機察於逐庫各差撥副知手分書手庫子各一名仍不得干預南庫職事先是詔南上下庫并封樁庫各置官提領其專副等不魯分認庫分通行掌管未能革弊至是命顏度為提領條畫來上故有是命十一月十一日太常少卿兼提領左藏封樁庫

顏度言封樁上下庫與左藏南上下庫金銀錢物混同
乞將南上下庫及封樁上下庫併為二庫以左藏南庫
左藏封樁庫為名並不用上下二字從之三年二月二
十九日詔左藏南庫出賣度牒每道減作價錢四百五
十貫每道舊係五百貫至是中書門下省檢會止有四
百餘道因有是命三月二十四日詔封樁庫監官并監
門官元係以監左藏南上庫并門今改為封樁庫其理
任請給酬賞人從等並依左藏南上庫已得指揮仍通
理歷過年月日公吏亦與通理及入役還補出職補授
合支請給等並依南上庫從本所請也五月十六日詔
自今在藏庫監官監門官不得與專知官掌管官物使

臣輪宿從中書門下省奏也七月十一日詔左藏庫將
起到緡照應色額有樣堪充支遣即與交納更不須以
買緡阻遏輒有退換仍約束諸路州軍不得將紕疎輕
薄之數夾帶起發兼不得過數高擡價直令民戶折錢
輸納十六日提領左藏封樁庫所言乞於皇城司差撥
親事官二名輪於庫門搜檢半年一替從之四年二月
二十五日詔左藏南庫支會子三十三萬貫應副湖廣
總領所樁積備邊以後年分依此給降尚書省言湖廣
總領所淳熙四年歲計內一項四川合起綱運一百六
萬餘貫除折閱一半外實有五十三萬貫已降指揮令
四川總領所拘截五年樁積備邊使用理合別行科降

故有是命五年二月十三日執政言皇后生辰舊係左藏南庫投進金三千兩詔免投進五月十六日左藏庫言本庫元管庫子二十一名今止存二名緣召募須有抵產五百貫拘留在官方得充應所以無人就募昨降指揮許免拘抵產權行召募一十名今見役專副結罪保明令乞更許放行詔權募一次增召壯實保一人其餘見闕人數委提轄官召募有抵產人充六年正月四日太府寺言本寺所轄左藏東西等庫舊例係三衛分差軍兵防護火燭近承指揮不許差撥竊恐日後無人防護欲將左藏庫等處所管脚甲離役并巡防兵士作匠等人籍定姓名結甲於內選差人部轄仍於各處料

次頭子市例錢內量行支破計置防火器具從之十二月十六日詔自今差左藏庫監官如未曾關陞親民資序不放行九年三月二日詔左藏庫如遇郎官到庫者驗監交綱運將見管科子籍定姓名旋行點妻秤盤令監官鈐束合干人毋得乞覓作獎五月九日詔封樁庫監官許用戶部長貳薦舉改官從吏部請也八月一日詔封樁庫提領官令戶部每月添支茶湯錢三十貫十年四月八日戶部侍郎曾建言乞將左藏西庫掌管官物使臣更不差人其專知官且從見今左藏東庫例令本庫立界副知權充專知官却令押司官權充副知及頭名次名手分權充押司官以下各帶理本名遞權候

將來界滿日取旨從之五月九日臣僚言祖宗用人初無清濁之別韓琦第二人進士及第未免監左藏庫後為度支判官皆號稱職乞明詔大臣如行在左藏庫之類稍重其選與免侍闕遇館學有闕却於此取之以廣得人之路從之八月二十八日詔左藏南庫撥課戶部其提領所應管事務限五日結局先是戶部具南庫收支項自上謂輔臣曰見在錢三十五萬餘貫盡撥付戶部其餘金銀等物令陳居仁點檢具數以聞上又曰欲併南庫歸左藏令版曹自理會朕亦省事卿等可子細令具南庫五年間出入帳親自點檢故有是詔十一年七月十二日左藏東西庫言諸處綱運到庫有合用書

鋪甲頭脚戶般杏搭垛等人皆是百姓從來納綱人於所州軍廩費錢內使用顧倩未曾立定則例遂致公更庫級通同過數乞取錢物竊見內藏庫已有定立諸處入納金銀等物般運脚錢則例今欲將左藏庫書鋪甲頭脚戶等常例使用依內藏庫見行體例裁酌各量逐人名色高下立定則例有差今後如有違戾過數乞取之人計贓斷罪從之十二年四月十八日右正言蔣繼周言南庫撥付戶部于今二年而南庫之名尚存官吏如故乞令戶部將南庫發併其官吏並從省罷上曰若盡廢庫眼收支必至釁亂可存留庫眼以左藏西上庫為名收支盡依舊官吏全無不得可與裁減既而戶部

條具諸州軍合起發本庫定收泛收粟名錢物照應遞
年期限並起赴西上庫送納如有稽滯去處從本部具
違慢因依申取朝廷指揮其行移文字以戶部主管西
上庫所稱呼減罷押司官一人庫子二人從之五月十
九日詔右司郎官何萬兼提領雜賣場寄椿庫左藏封
椿庫先是右司郎官尤袤分領封椿庫袤辭以封椿寄
椿印記人吏同係一處難析為二故就差何萬兼領十
三年十二月九日詔左藏東庫減庫子二人兵士二人
西庫減庫級五人兵士一人西上庫減兵士三人以司農少卿吳煥議減兄食下教
令所裁定故有是命十五年二月七日詔左藏封椿
庫減手分一人巡防軍兵步軍司差撥二十人內減四

大字

人臨安府差撥五十人內減一十人樞密院提轄軍兵
差一十人內減二人封樁庫門步軍司所差軍兵五人
內減一人

以司農少卿吳煥議減冗食
下敕令所裁定故有是命

淳熙十六年

五月十七日左藏東西庫言淳熙十六年諸州軍起到
進奉登寶位銀絹承客省發赴本庫交納照應紹興三
十二年體例並入經常哀同應副泛支今支遣外見在
銀一萬二千四百五十兩絹四千八百匹詔將前項見
在銀絹並日下發赴封樁庫送納樁管紹熙四年十一
月二十七日戶部言行在左藏東庫申本庫排辦每年
金國使人賀正旦及生辰兩次到闕各合用紅地細錦
一十匹內翠毛六匹小盤毬錦克倒仙四匹以方勝錦

充鹿胎五匹以雜花錦充緣本庫並無見在乞下左藏
封樁下庫依年例數目預行支撥從之 慶元元年七
月二日戶部言訪聞左藏庫支給衣絹惟諸司諸色人
各有使用每匹不下一二百文例為指留好絹卻將揀
下低次絹先次支給與諸軍雖有進呈絹樣止是文具庫
官習以為常更不點檢顯屬違戾詔令戶部各照舊例
合請色額嚴行措置務令品搭均平所隸官司先期須
管就堆垛處逐一抽掣比對元樣委無不同保明申所
屬方得支給如本庫尚敢仍舊乞受作契官吏並行重
寘典憲其諸軍衣絹亦仰依公品搭給散不得縱容合
于人乞受如違重作施行十一月八日臣僚言左藏東

庫每遇支散諸軍百司等春冬衣賜始緣經常數目不
數戶部遂約所闕數委官置場收買以備支遣然場中
所買多是庫中請出之絹復賣於官不知經幾出納矣
又況牙僧投賣往往下色乞下戶部將每年合支散大
軍衣賜及諸司合于兵級等人所諸多者隨宜以分數
分折支官會每匹依逐年立定中等時價為率不特可
以革置場買絹之弊得絹而欲賣亦以為便也戶部指
定欲從所乞下所屬將諸軍諸司等處合支絹帛候取
見逐處所請數目隨宜措置自來年春衣為始合支色
類折支施行更不置場收買所是宗室等生日支賜并
非泛賞賜絹帛亦乞候今降指揮下日依此隨宜折支

施行從之參酌下項名色欲行折支開具一年例雜支
絹約一萬二千八百餘匹欲全行折支宗室生日六千
餘匹聖節生辰御宴樂人支賜五千二百餘匹三年一
次大禮合支賞給數內三萬一千九百餘匹百官約一
萬五千餘匹欲於內一半折支本色諸司局所等約一
萬六千九百餘匹欲全行折支一不測例外非泛進呈
玉牒會要聖政冊寶并官負贖贈等應干雜支約一萬
八千餘匹欲全行折支若許從今來所申照市價以會
子折施行如約度庫管有實闕之數仍舊置場收買嘉
泰四年五月十六日戶部言左藏庫舊來建置圍牆二
重防備甚嚴比年多有隣近居民官戶侵占牆外空地

間有簷屋相連朝廷近來講求火政若不預行申奏忽有旁近疎虞利害非輕亡委官相視有合去拆之所下臨安府措置應自己棲屋或賃人屋宇或平屋其間有盡行去拆或除一半或量行去拆並與斟酌間架所直照應諸處去拆民間屋宇體例欲乞於本部經常錢內就行支給從之八月五日戶部言左帑寶貨財帛之聚監臨之官責任至重非得公廉清敏之人為之安能檢梳吏姦關防蠹病近年以來所差之官多以大小使臣及選人為之或是諸色雜流其源不清烏得無弊乞今後東西庫監官五員內東庫二員以一員差文臣一員差武臣西庫三員以二員差文臣一員差武臣立為定

闕各自承替文臣選改官曾經作縣人武臣選材武曹
實歷親民人仍須公廉詳練庶可倚仗並以三年為任
候任滿無過犯與內外陞擢差遣詔見任人且令終滿
已差下人依省罷法內應選人仰陳乞改替其武官仍
差大使臣嘉定五年九月中書門下省言中書令節文
諸左藏庫監官武臣差親民資序仍不差年六十以上
賊私罪人照得左藏庫職事即與武臣材武事不相干
詔除去材武二字餘依已降指揮開禧二年七月三十
日臣僚言選人監左藏及封樁庫既本職各有專立賞
格不許攀援監專二年為界格法須管依條三年滿替
無遺闕方許陳乞任滿轉官酬賞從之嘉定三年十月

二十三日詔令後左藏東西庫官並候見闕堂除曾作
縣有政績久仍依舊法並以二年為任見任武臣令候
二年解罷已差下人依省罷法六年三月六日監行在
左藏西庫汪綱言左藏東西庫有專法一冊係紹興二
年敕令所畫旨頒降今已八十餘年綱到任之初根索
數目吏輩方始將出紙已破損漏失兩葉其間法意周
密關防詳盡今上下玩習十已不能遵守二三致獎
端日深照得本庫法冊既損失不全其在京庫務通用
條令亦不曾該載自紹興以後豈無申明起請今乞行
下敕令所將上項條法重行頒降付庫繕寫收掌庶使
官吏上下得以恪意遵守又照東西庫自紹興癸酉創

置火禁並同皇城法文書簿曆宜若全備綱嘗欲稽考
數年出入之數根索踰月互相推托片文隻字盡藏吏
人之家吏輩更易文書隨以遷徙久而散失不可復尋
在法漏泄庫務所管錢數者徒三年配二千里今則散
漫民間何止泄漏正緣庫無架閣專管之官久則姦生
今因兩庫修造之際乞於庫之中門踏逐隙地各創造
架閣庫三間西庫專委都門官東庫專委中門官掌治
日下監勒根索五年內應收支文書簿曆置簿拘收入
庫仍於歲終吏人交替之際應干文曆不許一件漏落
如界滿吏人簿曆不足者不得遞補出役簿籍從省部
印押發下次第接續庶幾帑藏干照稍稍整齊從之七

年正月四日臣僚言左藏庫監官舊係四選通差不加
選擇望輕責重兩門官猶時能舉發趙之職近來兩庫
監官既盡用作縣有政績人又有就任除擢者兩門官
率是部注選人由是近有觀望竊謂朝廷既遴監官之
選亦豈不當稍重門官之任況上項兩闕本是堂除後
來方發下吏部而近者朝廷創置架閣庫令兩門官分
董其事則其職守亦寔不輕欲望朝廷將左藏庫都中
門官除見任人及差下人許令到任終滿外自後並依
舊取作堂除窠闕見開方除專以待選人已經任闕陞
人從之四月二十六日臣僚言竊見左藏東庫拘押官
兩員西庫拘押^官四員係吏部差到短使小使臣充應向

來三月一替昨因郊需一月一替專以拘押供送宮禁
物色為職每日各支食錢二百文省如有料曆遇春冬
衣并時服並該支請一歲所費亦自不貲照得拘押之
職最為重事訪聞向來庫吏與行鋪敢於通同換易者
正緣拘押官條去條來不相諳悉庫吏又不受其鈐制
由是公然為弊皆莫之知今來兩庫官既已更革所有
拘押官六員委是冗猥兼逐月申部更易倍費文移今
乞將拘押短使盡行住罷卻於東西庫專置拘押官各
一員發下吏部右選作小使臣初任闕以兩年為任俸
料衣賜並隨官資仍每月各量與添支供給到罷從太
府寺批書印紙其職自拘押供送之外如巡邏内外打

疊溝渠者視雨漏蓋覆墻圍皆係掌管遇夜則輪一名
在中門外直宿機察兩門啓閉其綱運入納並不得干
預更戶部相度今來創置上件員闕職事繁冗責任亦
重即與舊來專一拘押供送事務繁簡不同理宜參酌
比擬立定請給酬賞欲依豐儲倉糾面官請給支破其
房賃錢一項免支遇考并任滿於太府寺批書如任內
無贖闕事件仍照糾面官例即從本庫提轄官保明申
部關報所屬量減磨勘一年從之十六年正月四日臣
僚言天子之禁帑兼受天下之貢輸也色頒繁夥貨幣
山積監董之任不與究心吏肆其奸何所不至夫綰帛
之庫于東者監官之負有二銀會之庫于西者監官之

負有三所謂提轄者總其條式而振舉焉每於受納緡帛庫官自合監臨銀會交收亦須親為稽閱臣頃丞外府屢往監交提轄未嘗一來監官則多已出局將納之緡壅集廊廡但見管行人吏執其去受之權計會已行雖羸怯而不問賄遺弗至縱堪好而不留或有已印退還更復混同在庫仍須致賂卻與後存銀子交秤固非難見且猶鹵莽不務精詳遂致庫帑與綱吏通同色兩視得錢為高下至於給用之際但依元數錙銖輕重莫之能辯竊慮積久相仍轉萌欺誑諸弊若此而上下恬不為恠良以人情玩弛殆非一朝任於前者幸以道其愆繼於後者得以避其責可不詳慮而謹飭之乎乞申

戒左藏庫自今將納銀絹各以庫分常切監臨所交會
子即時點對抄簿隨與區處毋得縱之吏手滋長奸欺
務以職業自勤不許先時出局其於國計庶有補焉從
之六月一日臣僚言竊見左帑一職凡邦之財賦入出
咸隸焉至不輕也衛以重門分以東西各立監臨統以
提轄上下相維相制有條不紊近歲監東西庫官專以
處色最是謹重厥職也其後庫官為門官為選人未免
俯視其待轄官亦不過同體遷擢之等級遲速轄官又
多反不及之且其有輕心自足都門之辨驗秤等庾民
之等色斤兩看視絲帛之堪否一切皆歸於庫官之獨
運玩慢日甚無復有聚議商訂之舉矣轄官之弱者奉

惟謹強者或出一語則庫官以銜之矣至有出身之人而與轄官論職事公然肆言云若言路首當懲之邇來統紀紊亂姦弊日多凡聲跡彰聞者固不少而隱蔽不揚者又不知其幾矣僉謂庫官之權不容太重門官之任不容不謹轄官之分不容不尊紹興舊典以太府寺丞簿兼提轄似可舉行或專以有出身人有聲望者充選如東西庫官止用曾經為邑無出身人仍限以二年為任候解罷後無過失者才予遷擢蓋庫藏之官數易之為患最大而激勸之權尤足以使人盡職欲望聖慈深察邦計之司存豈容玩法慢令乞明諭大臣斟酌而行之誠非小補詔從之

宋會要 左藏庫

太宗太平興國二年六月詔曰權衡之設厥有常制出納之吝謂之有司儻求羨餘必恣培克苟視成而不戒豈為天下守財之道焉應左藏庫及諸軍務所納諸州上供金銀絲綿條斤兩物色目前多為庫務欺壓秤盤妄稱要收羨剝進納致使部押之人虛抱欠折破產償納自今並須平定秤樣斤兩與納人同封樣後即得秤盤仍自今凡有給納並須兩平不得更收羨剝違者許人陳~~主~~吏洎秤子節級庫子並當處斬監官重寘之法告者給賞錢二百千先是諸州吏護送官物至京藏吏率捶鉤為姦吏負官物至於破產不能償太宗知其事

下詔禁之八年十一月詔今後諸路錢帛絲綿綱運令
左藏庫驗認本州封記全若有欠折即隨處官吏庫司
攤填如元無封及負動封記並令管押軍將陪填有司
言州郡所納絲綿魚秤兩物色許百兩納耗二兩朝廷
雖嚴指揮不許多納秤入之際隨分湏留耗折感令就
整皆有羨餘皆是裝綱交秤之時本庫不與了當耗折
收充羨剩欲求勞績故在令管押者陪填望自今凡秤
兩之物不得先收羨餘仍酌量均於束內明書斤兩據
物收數如有封記完全欠少分兩者並將赴三司與判
使已下秤盤定數若無封記而欠者即勒管押人填納
從之淳化元年七月詔左藏庫金銀器皿悉毀之侍臣

有言其間雕鏤珍奇者欲留以備進御帝曰將焉用之
汝以工巧為貴朕以慈儉為寶監庫左正言直史館謝
泌質曰聖意如是天下幸甚三年九月詔左藏庫每受
納匹帛絹監官當面點數不得將赤文不成匹及不堪
物納下四年二月詔左藏內庫專副庫秤揀搯等盜百
錢已下杖八十已上杖一百一十已上徒一年半刺面
配忠靖指揮五千已上流三千里刺面配京憲務賊滿
三十千依監主自盜法處死告捉者第給賞錢秤司透
漏減盜者罪二等十二月詔左藏逐庫監官自今憑由
須逐時申破如積涉經年以違制坐之至道元年五月
詔左藏支俸錢衣賜勘旁如旁數小帖數即據旁支大

於帖數即子細根勘七月帝問宰臣左右藏庫自何年
月各自給納對曰先是朝廷置左藏庫金銀錢帛動計
萬數以此庫財帛新陳相壓雖以時給遣終未漏底所
以前後界分職掌之人帳籍具存無由了當計司亦難
按比遂令別置右藏以代受納左藏專掌出給其後所
司給遣之時便於一處有只就左藏支散因此兩庫各
自給納帝曰臣僚於公不用心如此遂督左藏出納文
帳連磨勘了當其妄行奏改之罪釋而不問十月詔左
藏庫每月供帳自今以錢金銀生帛雜色絲綿為三帳
犀玉霄帶鞍轡雜物別具帳所差使臣須二年滿日與
專副一時差替監官候交割漏底月帳到省則給解由

歸班已替者更給添夫一季二年十二月詔左藏庫支
造衣物匹帛並用天長尺徑量給付三年十一月詔諸
州綱運納累角細絹如磨擦損估虧官錢五千已上奏
裁已下與免理納川峽遠路不以好弱悉據數納真宗
咸平四年二月詔青澼登淄萊五月絹並直納內藏如
左藏須物帛支遣那挨遠年者充五年十一月左藏庫
郭守素言淮南昇潤州細絹價高望不給冬服留充郊
祀賞給軍士可獲數倍之利上曰朝廷方寧大慶豈復
規小利也罷之景德二年八月詔左藏庫般出外絹
如無印者即訖給付十一月詔左藏匹帛有漬汙狹
幅不堪支給者歲終申三司差官類估具數以聞大中

全唐文

卷一萬四千七百八十五

五

景德無
年疑誤

祥符五年正月三司言左藏三庫自來各置官吏今欲併為一共置監官二人從之後以官少事煩遂改如今制十一月詔請州納左藏金銀器物者令本庫監門使臣勒行人驗分釐受之六年正月詔內庫務監專諸色人食直節料并差出諸色人盤纏及齋醮道場所用錢絹或傳宣取索入內及支賜諸色人恩澤并準宣支賜差出官負使臣軍負錢銀衣物及蕃部馬價例物今後並各於左藏新衣茶庫等處支給十二月詔左藏庫應三糧料院每日批勘文旁湏次日實封送左藏庫本庫立便上簿監官封記到日候請人到庫將請受曆與正勾省帖勘同於省帖及曆內批書日分拆開文旁

對曆交付所支文旁正勾省帖粘連合帖入當月或次
月帳內除破又所支官物依舊例降正勾支帖下糧料
院并合支庫務候支絕入帳除破之時將旁契勘元支
省帖同即入帳開破如省帖內文旁未到及已支檢旁
未見委監官置曆抄上職位姓名所支物色名件明言
甚年月日省帖內有檢尋未見文旁候月帳入省令省
司追索文曆點檢同前都手分於曆上勘同著字隨帳
入勾磨勘亦上下批鑒書字仰磨勘司責領交付專副
收掌候得替造成一帳有償那下無省帖者文旁即將
曆照證旁上年月錢數官位指揮同即依例於一帳內
開破又監官專副年滿日交割仰將舊界得替末帳前

月帳尾見在官物勒行人看驗據帳內椿記名目交割
不得信縱亂有看驗致與元帳不同如行人輒取意看
驗不依元帳令舊界監專申解赴省乞行勘斷如實虧
官與元帳不同即令新界嚴訖交割別入庫屋收管又
監官食直錢朝臣諸司使二十千京官殿直已上並十
五千又逐月收到處分錢上曆拘管每旬具數申省至
月終入帳收附其曆隨帳勾磨又專副如二年滿替無
遺闕並各轉一資 七年九月詔左藏庫每出染絲帛
須分明雕匹帛州土字號印霞頭上候染成看驗交納
仁宗天聖八年五月提舉司言左藏庫受納金銀絲
綿綱運收到出剩並不即時入帳却稱久例直至末帳

內收附比折今勘會自去年六月一日立界至今年三月支外見在收出剩金七十兩銀一千一百三十五兩又於今年三月起置納綱出剩曆只五十日內收出剩金二十五兩銀一千五百四十兩顯不依條約陷失官物欲下本庫監官每綱運到庫若有出剩須分明上厝拘管逐月入帳編排官物各著庫分排垛具置到文厝請下三司逐月印縫給付不得將剩數界然比折少欠仍出榜於監官廳張掛常令遵守從之 慶曆三年八月三司言左藏庫支用見錢浩大不稟詳條約用緡充折本庫又自得旨取索合用內多有見錢二字及有特令取見錢者詔今後敕契支使依例用見錢外凡御前

取索並依臨時所降指揮餘支賜錢並依舊條一應文武臣僚使臣差出外支盤纏皇族迎嫁繫親下定諸般例物并勾當行人錢肴經道場齋料等價錢僧道等身死孝贈等錢宣葬教葬并諸般支賜錢皇親房卧折諸物色價錢并繫親折銀馬價錢官負使臣身亡孝贈御前支賜并內中不顯出名目取索製造諸般生活了當恩澤錢以上並用絹折如特旨令取見錢即依臨時指揮賜皇親并諸般支賜恩澤皇親往西京汝州南柎葬並係支見錢 英宗治平元年七月四日三司使蔡襄言今欲乞將左藏庫樵貨務見管錢帛金銀等比附明堂支數封樁準備將來南郊支賜並將見在寬剩數目

撥充即不闕本庫支遣從之神宗熙寧元年七月十三日提舉在京諸司庫務王珪等言左藏庫自來匹帛與金銀錢等分庫各有專副人負等唯是監官四員通管日輪一員在金銀錢帛庫支納既更去不定則容公人等乘間生弊乞將南北兩庫添差文資一員各令監管內南庫文資一使臣二北庫文資使臣各一其新添官仍乞下三司提舉司輪舉其請給酬獎並依本庫舊例施行自今年十月立界所費逐庫各得監官專一管勾息絕欺弊監門即仍通管詔減一小使臣添文資朝臣餘並從之二年九月二十七日詔三司指揮諸路金銀數並納左藏庫令左藏庫逐年支金三百兩銀五十

萬兩赴內藏庫永為年額 三年十二月制置司言右
贊善大夫呂嘉問等畫左藏庫利害詔送三司官與嘉
問同議具分定庫月關防人吏拘轄官物整齊大簿等
事即並從之五年二月十七日內藏庫言勘會饒池江
建等州遞年額鑄錢一百五萬貫并額外增剩錢久未
並係內藏庫送納每年支撥逐年退錢六十萬貫并三
年一次支南郊錢一百萬貫赴三司支用顯見往復欲
乞下三司今後年額鑄錢一百五萬貫支撥一十一萬
六千六百六十六貫六百六十七文并饒池江建州錢
監鑄到額外剩錢並赴本庫送納外饒錢並令左藏庫
受納更不令本庫逐年退錢六十萬貫并每次南郊撥

賞錢一百萬貫興三司仍乞減於兵士庫指子郎級共
二十人歸左藏庫每日只輸差庫指子三人赴庫祇應
如遇諸處支納錢實據合使人數逐旋於左藏庫計會
勾喚從之

宗會要

高宗建炎二年二月三十日中書侍郎兼專一提領措
置戶部財用張慤言左藏庫監官比其它庫務輕重不
同依條不許差出今檢察得左藏東庫朝奉大夫李藻
監西庫朝散郎許端夫近各僥求差遣出外除許端夫
近臨替暫還本任又以界滿不候交割官物帳曆已離
本任外有李藻見在陝西路經制使錢蓋下充幹辦官

又別差權左藏庫官一員增費請給望將李藻罷左藏
東庫及幹辦官差遣仍申嚴錢穀倉庫監官不許差出
及所屬不合放離任條法以革積弊所有許端夫差出
左藏庫月日乞依條除豁不理為任月日酬賞從之四
年五月二十三日詔左藏東庫置監官一員以事務稀
簡裁減一員也十二月十七日詔左藏西庫歲供內藏
庫錢金銀並依建炎四年例止逐旋供納銀五萬兩權
免 紹興元年五月五日詔左藏東庫上下界許置專
知官各一名副知各一名押司官共二名手分共一十
二名書手共三各庫級共二十名兵士共二十五名左
藏西庫上下界專知官各一名副知各二名押司官共

二名手分共一十二名書手共三名庫給共二十五名
兵士共二十五名左藏東西庫門手分共二名庫子共
二名並從戶部敷減也十二月十七日詔左藏東庫依
元額差文臣一員同共幹辦戶部言左藏東庫元額監
官文武官各一員昨裁減一員見有武臣一員故有是
命二年五月二十日詔左藏東西庫遇綱運到庫如
敢留難阻節不即交納出給鈔附許管押人往赴尚書
省越訴從倉部負外郎成大亨請也十二月二十三日
詔東西庫手分書手各添一名從監官張耆請也三
年五月九日詔左藏庫今後將每日收到應千錢物以
十分為率椿出一分專充大禮賞給支用七月十九日

詔左藏庫給散諸軍衣賜令三衙管軍神武右中後軍
統制官忠銳諸將官躬親在庫彈壓無令撓先擁開如
有犯人並從軍法仍令尚書省給降黃榜曉諭十一月
十日詔應折支絹江南作五貫文兩浙作六貫五百文
如遇無漬污絹即將好絹遞增一貫文給今以戶部狀
勘會支賜錢不言見錢依法以絹折支宣和左藏庫格
浙絹漬污每匹五貫一百文江南漬污每匹三貫九百
一十文竊緣近歲諸路綱運地里不遠即無大段漬污
又街市價例高貴理當權行增價故有是詔 四年正
月二十三日詔卽武軍每歲用上供錢收買上色朱紅
二十兩限至四月終差人管押赴行在左藏庫 四月

三十日詔東庫添置手分書手各一名庫子三名從監官任幾先請也 六年十月十四日詔文思院鑄造行在所左藏東西印各一面候鑄到日將見使舊印牒送行宮本庫候將來併庫日申繳今來行在所印赴禮部置櫃封鎖遇從車駕巡幸關請行使 七年二月十五日詔左藏東庫武臣監官帶同字結銜先是舊額左藏庫官文臣一員監武臣一員同監建炎四年間裁減東庫監官一員因而除出同字紹興元年間復置內武臣差數不曾改正所有左藏西庫武臣監官一員却帶同字至是本庫有請從之 十二年四月二十三日詔今後恩賞支賜絹帛除依紹興二年九月七日指揮禁中

宮人公主命婦軍功捕盜軍前遣來之人兩府除轉廳
及中丞除授收茶鹽錢及數支賜許支本色外其餘窠
名並每匹折錢三貫文如特降指揮令支本色者每匹
增錢一貫文從戶部請也二十三年六月十八日詔應
倉庫交卸綱運折欠並即時具各色數目申解所屬見
得有侵盜貿易之弊即送大理寺推治其過誤損失並
押下元起綱處依法施行先是正送排岸司監繫故有
是命 二十七年五月十七日詔戶部於轄下丞簿內
選通曉財計人一員兼充左藏庫提轄檢察官任滿無
遺闕依左藏庫監官例理賞仍每月添支茶湯錢十貫
文從本部請也二十九年十二月七日詔左藏庫今後

將應支錢物逐一照驗憑由旁帖文給依限繳申所屬
審實不得別立寄廊單子如違官吏並依收支官物不
即書曆及別置私曆法科罪三十年十二月六日詔左
藏庫每綱運若有出剩須分明上曆拘管逐月入帳不
得將剩數比折少欠仍給榜監官廳遵守先是委大府
寺官點檢秤盤收到出剩故有是命同日詔左藏庫今
後差京朝官諸司使副其見任人令終滿今任已差下
選人小使臣依省罷法三十二年四月十八日詔今後
應盜官物其本庫監門官吏並依見行條法坐罪不許
擅用趕趁體例先是左藏庫有盜絹一匹至都門而獲
其中監門官却作趕趁不坐故有是命 孝宗紹興三

十二年

未改元

七月十八日

詔將御前樁管激賞庫並撥

歸左藏庫自今後諸路發納到綱運準此以左正言袁
孚奏今之內藏即當之封樁外又有樁管御前激賞庫
亦封樁之類臣竊聞異時天下貢賦多歸戶部近來分
入內藏庫與樁管御前激賞庫致戶部有不足之患乞
會二庫一歲所入酌取中制為歲額歲額之外悉歸戶
部使戶部不致闕乏則州縣不至煎熬故有是命二十
一日中書省言勘會御前樁管激賞庫元係檢正都司
檢詳管提點今來撥歸左藏庫詔令提點官編排見數
仰左藏庫逐旋交跋以左藏庫為名專一樁管應副軍
期臨時取旨不得擅有支遣九月二十九日詔樁管御

前激賞庫已改作行在左藏南庫所有官吏罪賞請給
人從并差破巡防雜役等應干約束事件並依左藏庫
見行條法指揮 隆興元年七月二十一日詔李顯忠
侵欺過殿前司池州建康府及收復宿州逐處官中金
銀錢物依已降指揮物收入官其私家貲產並與免拘
籍其抄劄到前招撫使司及都督行府支犒設軍用不
盡銀五千一百二十一兩四錢綃六千五百匹今平江
府並起赴左藏南庫送納另項椿管聽候朝廷指揮
乾道二年九月十四日戶部言契勘左藏東西庫逐年
合賜錦襖子官除親王宰執支全匹外其官並於整上
各量裂合得數目支給外有零丈赤積壓在庫歲久色

令月... 暗令雜賣場出賣不免低價暗失國用今年欲乞並支
全匹人曆幫勘其餘零文亦依文臣時服條例計價納
錢牒臨安府市令司差行人估價關報糧審院於逐官
料錢曆內除尅施行其餘應支花羅錦綺鹿胎段子並
無見在欲以別色充代折支內合支本色而無見在者
乞依市價折支見錢從之十八日戶部言左藏南庫舊
係樁管御前激賞庫昨於紹興三十二年内改作左藏
南庫依元降指揮官吏罪賞請給等依左藏東西庫見
行條法乞將見役人并已出職補授人比附東西庫立
界并界滿降一等補授名目送部勘當南庫比東西庫
事務稍簡所乞頗優今乞將南庫人吏今後遞遷至副

知立界并界滿比附東西庫降二等補授立界日先次
補守闕進義副尉二年界滿日有勞無過與補進義副
尉出職施行所有已出職補授人難以施行從之 三
年六月二十八日戶部侍郎曾懷等言得旨大行皇后
支費所收到左藏庫絹纈急係何處納到行下本庫契
勘係是信州建昌軍袁州除已將合干專庫科斷別行
編揀抵換外本庫元受納官吏亦已下大府寺根究依
條施行更取見元起州軍年分數目申取朝廷指揮詔
本不為支費所絹鹿急恐將來支散諸軍春冬衣亦似
此等所有供送合干專庫特放罪餘依奏仍劄下戶部
今後不得將此等絹支散諸軍七月二十二日臣僚言

左藏庫專副手分庫級等如無人保明及無抵產并曾
經過犯並不許入本庫守把中大門親事官令皇城司
選差五十以上有行止無過犯有職名人充如能搜獲
偷盜官錢物入已有立定賞格今後若有透漏杖罪答
四十徒罪杖六十流罪杖一百降一資永不得差入倉
場庫務徒罪以下及三次亦杖一百降一資監官監門
官見一十員三庫共輪一員止宿今後逐庫各輪一員
從之十月三日吏部侍郎提領左藏南庫方滋言照會
本庫諸色窠名錢物等元係戶部行移催督今既專差
官提領不隸戶部欲乞截日從本所行下諸路催督如
有減裂拖欠去處乞從本所將官吏按劾施行昨隸戶

部日每月一次點檢欲乞每月分上下半月兩次點檢
如有隱落收支不明乞從本所直送大理寺依條施行
本所行移人吏難以報置乞於諸處官司踏逐諳曉財
穀之人兼行每日量行添給食錢從之十二月三日工
部侍郎提領在左藏南庫姜詵言本庫見管金銀錢物
數目浩瀚全籍監門官機察出入不可與東西庫監門
官互相干涉不敢報乞添置乞降睿旨於樞密院準備
差使內選差有心力使臣一員充監門官一年一替每
日添食錢三百文入曆幫勘度可革去出入姦弊從之
五年八月十六日姜詵又言昨承指揮於樞密院選
使臣一員充監門一年一替欲乞比附左藏庫監門官

量推賞詔左藏南庫監門官在職滿一年與減半年磨勘六年七月二十九日臣僚言左藏庫每年又諸軍春冬衣賜除軍兵已有立定限日給散委是整肅餘將佐使臣等緣令自請多有計囑好弱不均或致爭競今亦乞自開庫後限十日令糧審院批放封發文旁赴左藏庫計數揭榜分作兩日併支歸軍俵散從之十月二十八日詔諸省門內新蓋左藏南上庫了當差置監官二員依南庫例堂除差人監門官差樞密院使臣一員權於南庫那差專副手分書手各一名庫子二名令今庫踏逐指差仍於臨安府揀下有職名軍員內差十人專一看管其左藏南庫改作左藏南下庫並隸提領所

七年三月四日三省送到戶部據左藏庫申開專知
官二員專法許本庫踏逐曾經歷場務小使臣申吏部
差緣係吏職多不願就今乞從戶部選差小使臣充專
知官職事以掌管左藏庫出納官物使臣書衙依專知
官請給外月添食錢二十貫申朝廷給降付身理為監
當資任仍不許與監當官接坐令別置直舍應係出納
先令點勘書押後簽監官庶有顧籍可以倚伏乞依所
乞施行從之十月十八日吏部言左藏東西庫監官任
滿轉一官并計日推賞梅世昌係提轄緣是創置闕未
有立定賞典照得權貨務都茶場文思院上界提轄官
並各依本處監官推賞今乞依逐處體例施行從之十

月二十三日戶部尚書曾懷言準乾道六年七月十五日指揮左藏庫交受綱運專委太府寺丞簿一員輪日監交給鈔本部竊詳左藏庫置提轄官正欲檢察兩事情弊若欲更差寺官委是繁紊今後欲盡委提轄官其太府寺官止合每季前詣逐庫點檢從之八年五月八日戶部言未歲大禮合椿賞給錢物除已下左藏庫自五月為始將收到應干錢物以十分為率椿管一分專委本監官一員別用庫眼收椿如敢擅支分文匹兩並依擅支封椿錢物法加一等科眼仍不以去官赦降原減從之十一月十六日敕勘會饒州納到新錢夾帶鉛錫除鑄錢人吏并監官已施行外其左藏西庫監官各

特降兩官

金史卷一百一十五

宋會要 度支庫

兩朝國史志度支判司事一人以無職事朝官充斥調
度之費皆歸於三司本司無所掌令史一人驅使官一
人元豐官制行郎中員外郎始實行本司事哲宗元祐
元年四月八日戶部言左司郎中張汝賢言切聞熙寧
初廟堂之議始以國用不足大講理財之法其後利入
浸廣費用隨增非復曩時之比也今既有所改為自茲
以往課入當復有限則調度之費不可無節欲乞諸路
轉運司會計自熙寧以來歲入幾何歲用幾何朝廷常
供之外非泛所須者歲又幾何熙寧以後歲入幾何歲
用幾何朝廷非泛所須者歲亦幾何仍具出某事之廢

因某法而有今某法既改則某廢可罷要以省不急之
用量為出則無異時不足之患從之 十八日左正言
朱光庭言乞置局取戶部天下一歲之所出入與三年
郊賞四夷歲賜凡百經費會計可省者省之量入為出
著為令式詔戶部相度裁析以聞 四年二月二十八
日戶部言自官制行三司錢穀事分隸五曹寺監皆得
主行官司既無邦計盈虛之責各務取辦一時不量戶
部有無利害橫賞百端請令軍器將作少府都水監太
府光祿寺等處轄下應申請創修添修計置收買材料
錢物改鑄錢料興廢坑冶之類並先由戶部看詳檢覆
內河防急切申稟不及者聽逐急應副事畢亦申戶部

點檢從之 五月二十五日戶部言勘給請給糧料院
審計司只得拖厯批勘除並聽大府寺指揮仍令本寺
指定依某年月日條式合支名目則例月分姓名貫百
石斗錢米數行下所屬糧審院勘驗批放如係無法式
或雖有法式而事理疑惑不能決者即申度支取決不
得泛言依條施行逐處亦不得承受已上違者徒二年
仍不以赦降原減從之 徽宗大觀三年三月二日戶
部侍郎吳擇仁等奏勘會戶部財計總諸路無額上供
錢歲百餘萬名色至多全賴檢察近諸路將應就支錢
物各指用無額上供以其歲收不同事目繁碎若吏彊
官怠得以侵隱今相度欲乞本部行下泛買等只許支

撥有額錢或不足轉運司以鄰郡通支如違以擅支封
樁錢物法施行從之 十九日詔驛料自來給乘驛傳
以資道塗之費優假外祠以益庫餼之豐茲有常格其
何可奈比來京見領職局等處洎掌牋奏點檢管勾文
字守分之類已有月俸添給外更支驛料者甚多安然
坐局貪冒驛程之賜顯屬不當除現任外處宮祠嶽廟
外餘悉罷如違仰御史臺彈糾以聞 欽和元年十月
十三日詔戶部奏諸路漕司侵用本部無額上供錢物
乞並隸提刑司拘收更不令轉運司干與等可並依所
奏疾速行下如有合關防措置事件仰逐路提刑司限
五日條具申尚書省將上取旨 十二月一日朝議大

夫試尚書戶部侍郎胡師文奏勘會政和元年上供錢除發運司截撥充鹽糴本外尚剩二十萬貫因戶部奏請準今年六月二十二日朝旨將上件錢令發運司支與諸路充打船使用緣上供錢自是戶部經費豈有應副外路漕司之理竊恐日久為例暗失上供之數臣愚欲望聖慈特降睿旨下發運司勾收上件錢二十餘萬貫依舊赴京左藏庫送納應副支遣從之 二年五月一日胡師文奏契勘戶部財用全籍諸路上供錢應副支遣昨逐次降朝旨令發運司拘截戶部上供錢二百五十萬貫充鹽糴本支使本部已開具政和元年分諸路有額無額上供錢一面截撥去後準政和元年十二

月一日朝旨戶部經費浩瀚錢帛最為數多全籍諸路上供支用近日發運司多有截免糴買鹽本致誤指擬深恐未便可並特與免截兼昨降到上件錢係本部已前支遣了當竊慮發運司尚自拘截政和二年分上供錢致有侵用省計臣今欲乞且依政和元年十二月一日朝旨免截仍據未裁撥數亦乞令發運司疾速催促起發應接中都支遣又奏臣契勘鹽本錢已有諸路賣鹽五分見錢並諸路起發額斛并帶發舊欠預般自可充足歲額如蒙免截庶幾省計不敢闕誤戶部財用應副浩大若不寬假慮有闕誤可權依所奏本部財用稍足依已降指揮截撥施行 六月三十日參照官制格

目所奏尚書度支事目格有點檢驅磨官員請受券歷
銷簿架閣等四項至元豐七年九月二十八日准敕將
在京歷券做帳法本部磨訖送比部驅磨其在外歷券
並歸轉運司施行紹聖二年六月已後戶部申請到朝
旨徑申比部大觀二年四月二日修立成條在外奏歷
申轉運司覆磨架閣在京所給兼請他路錢物者申尚
書刑部雖與度支格目不同又緣比部官格目亦掌追
納欠負侵請及有驅磨一項欲乞遵依比部格目并元
豐紹聖大觀逐次已降敕條釐正施行又奏乞在京出
給選人文歷令度支依官制格置簿比部關報鈎銷其
官員事故往支請受令度支關報比部追取驅磨如得

先當乞行釐正從之 八月二十日都省劄子勘會戶部財用昨朝廷措置本部每年約支用八百二十萬八千餘貫將本部舊額歲入并措置出及朝廷應副共一千五十三萬七千餘貫除支用數外每年有寬剩錢二百三十三萬九千餘貫其間如夾錫錢及當十錢罷鑄之類雖有虧損之數緣其餘所入錢數自足應副得足今來不住據本部申陳闕乏乞預撥歲賜額錢似此相承借撥即向去登帶侵用無已劄付戶部具析因依申尚書省戶部今具下項一契勘戶部財用冊內舊額歲入并朝廷應副及措置出錢一千五十三萬七千餘貫下項舊額六百三十三萬五千餘貫內虧二百五萬七

千餘貫朝廷應副三百萬貫闕下二百萬貫係實得數
於河北河東路夾錫錢虧一百萬貫朝廷措置出一百
二十萬二十餘貫內虧七十七萬八千餘貫實得四十
二萬三千餘貫已上每年計虧三百八十三萬餘貫實
得六百七十萬餘貫奉聖旨於陝西河東見封樁夾錫
錢內各支撥五十萬貫應副戶部支用仍令本部一面
措置免那支使政和三年七月七日奉聖旨戶部所虧
錢今尚書省措置補足尚書少勘會昨大觀元豐內會
計戶部每歲約支八百二十餘萬貫當時朝廷措置出
戶部財用一百二十萬二千餘貫并朝廷應副三百萬
貫通本部舊額都計一千五十三萬七千餘貫除歲用

外尚有寬剩錢二百三十三萬九千餘貫近累據戶部
于告闕之陳乞應副尋取索闕之因依今據本部供到
數內一百一十五萬餘貫却係本部買物并三路封樁
自係本部移用支使難以一例作虧數并昨罷行使夾
錫錢其河北河東每年應副共一百萬貫朝廷近已却
行應副外其罷鑄當十錢每歲計虧錢一百五十萬餘
貫并河北河東淮南蕃課係因本部申請減定每年虧
一十六萬餘貫朝廷應副二百萬貫并夾錫錢一百萬
貫外理當措置應副度支供到下項一朝廷每年應副
戶部錢共三百萬貫朝廷應副錢二百萬貫免賜河東
等路夾錫錢一百萬貫一大觀二年朝廷措置出錢一

百二十萬二千餘貫除虧外每年實得錢四十二萬三千餘貫詔每歲特添錢一百五十萬貫應副戶部支用內一百萬貫於河東路鑄到夾錫錢內取撥餘五十萬貫於河北京都路鹽香鹽稅司朝廷所收餘剩息錢內應副並聽戶部措置移用其舊賜錢一百萬貫於河北河東路鑄到夾錫錢內各分五十萬貫應副兌買等並依大觀二年已降指揮所有逐路賣礬課額並依大觀元年所降措置朝旨施行其減額指揮更不施行已上通計朝廷措置應副五百萬餘貫仰本部遵依施行三年七月十一日戶部尚書劉炳奏朝廷指揮措置戶部財用諸路自大觀三年為始須管數足依上供法委

逐路提刑催促如違法仰具當職官申取朝廷指揮重
行黜責人吏決停續取索到大觀三年分亦有未起財
用金銀等去處奉聖旨責限兩月本部契勘得成都府
未起錢物已是出限外有成都府仙井鹽竹木務等錢
已滿兩月朝限合依元降旨具當職官申取朝廷指揮
詔成都府并仙井鹽職官各降一官選人依條施行
十月十七日戶部尚書劉炳等奏今擬脩到條諸吏人
驅磨點檢出收到無額上供錢物供申數目不實而侵
隱移易別作案名收條若支使者諸州三千貫累滿者
同提刑司依此提刑司六千貫轉一資上條合入政和
賞格諸吏人驅磨點檢出收無額上供錢物供申數目

不實而侵隱移易別作窠名收係若支得者州及八千貫提刑司一萬五千貫以上累滿者同並奏裁上條合入政和賞令諸驅磨點檢出收到無額上供錢物供申數目不實而侵隱移易別作窠名收係若支使者三百貫累滿者同餘項依此陞一名一千貫陞二名二千貫陞三名四千貫陞四名七千貫陞五名一萬二千貫轉一資三萬貫已上取裁上條合入尚書戶部司勳格契勘闕下支用見錢全仰諸路上供有額無額錢數應辦其無額錢元豐間歲收約一百七十八萬貫近年以來所收約八九十萬貫比舊大段數少虧損省計緣無額上供雖有窠名而各無定數從前據憑場務收到數目

申州驅磨報提刑司本司備申省部拘催起發若供申
隱落止有斷罪約束即無點檢告賞之文兼近承朝旨
令諸路常平司驅磨到崇寧元年至大觀三年侵使隱
落上供無額錢總計一百七十餘萬貫金銀物帛一十
萬餘斤兩等如此顯有陷失錢物蓋為未有勸賞致所
屬不肯盡公點檢驅磨今相度欲乞今後場務收到無
額錢物供申所屬州軍提刑司并本部如逐處能點檢
驅磨告發侵隱失隱錢物並依政和賞格令法施行又
檢會大觀諸路上供錢物續降勅令節文諸無額上供
錢物場務限次季孟月十日前具逐色都數申本州驅
磨本月二十日前申轉運司仍具一般狀入通申而書

戶部本司限十日申本部諸供申無額上供錢物隱漏者徒二年政和元年十月十四日朝旨節文諸路應無額上供錢物並隸提刑司拘收政和格令諸告及驅磨點檢出隱落并失陷錢物應賞者以所納物準價仍依數借支即犯人應勿追或追而不足者干繫人均備告及驅磨點檢出隱落并失陷錢物每及一分給三釐詔依修定餘依諸路上供勅施行 四年四月二十日劉炳等奏勘會諸路拖欠錢物雖有分限帶發指揮緣逐路往往不限內計置起發盡絕却致再有拖欠蓋是從來約束未嚴兼今歲夏祭排辦本部百色支費所用錢物浩瀟唯仰諸路上供應辦今相度欲將諸路拖欠錢

物須管於元立期限起發數足所是限滿未起并蔡河撥發司管般斛斗拖欠三萬餘石未立定期限仍乞責限半年今逐路提轄官催促計置起發內黨柴斛時如無本色即乞起發價錢如違其本處并提轉兩司當職官吏並乞令提舉司取勘聞奏仍不以赦降去官原減所貴如期到闕應副指擬支用從之 九月二十七日戶部尚書王甫奏契勘戶部經費全仰諸路上供近刻刷到見積欠錢物共三百四十三萬八千三百一十四貫石未申降今年六月二十三日聖旨須管於元限起發數足限滿未起已有立定期限半年如違本處并提轉兩司當職官吏並令提舉司取勘聞奏仍不以赦降

去官原減臣竊以督責勸沮之方莫先賞罰今諸路催
起積欠除違限路分本部見行按舉劾奏乞賜必行外
即未有依限起發數足推賞之文臣愚欲望聖慈詳酌
特降審旨諸路如能於限內起發數足其當職官吏並
從本部敷奏朝廷優與推賞庶幾有以激勸詔令戶部
對立賞罰申尚書省 五年四月二十四日承議郎尚
書度支員外郎張汝霖奏自到任以來點磨拘收到錢
物并起置過簿書內一項朝旨驅磨在都請受文歷內
失陷錢物三十萬元限一年半汝霖到任四月餘日驅
磨得二十三萬七千四貫石正兩等詔張汝霖與轉一
官郎官一人分案有五曰度支掌度軍國財用及會

計之事曰發運掌行上供年類封樁并科買及漕運脚
直之事曰支供掌供入內錢物及諸色俸祿請給驛券
曰賞賜掌賞賜支賜并特支時服衣襖銀鞋盤纏諸色
人例物雜支錢物曰知雜吏額主事二人令史六人書
令史十六人守當官十六人貼司二十九人 高宗建

炎三年四月十三日詔度支郎官以一員為額吏人減
三分之一 紹興三年正月七日詔度支見出給文武
官料錢歷頭取會閤門吏部都官糧料院等處其違限
不報人吏並從杖一百科罪 二十五年十二月十二
日尚書右司員外郎鍾世明言天下財賦窠名不一有
歸之朝廷者有歸之戶部者要之均濟國家之用而已

故朝廷之與戶部事實一體比年以來朝廷每月支降
券食錢三十萬緡又於數內尅還給關子錢而戶部窠
名錢物又有為朝廷拘收支用者望下戶部條具自來
支使錢物窠名撥歸戶部每月以實關錢申朝旨取旨
貼降施行從之 二十六年十一月六日禮部侍郎辛
次膺言願詔有司取朝廷入歲支之數以一年為率其
入數則稽考欠失嚴立譴罰其出數則更加裁約立為
定例然後於歲實入之內撥歲合支之數以待其出又
取若干專一收樁以為畜積之數無故不得支用詔吏
部侍郎陳康伯大理少卿陳章戶部侍郎王侯等同共
措置

上曰此正今日之先務財用止有三說生財理財

節財比年以來生財之道請求畧盡唯是理財多緣官司失催理不以其時致有拖欠積欠既久則又放免使州縣得人必不致此若夫節財則朝廷用度莫大於贍軍然諸軍請給亦皆有定額無可裁損自今但當撙節浮費不可妄用使理財得人又能撙節如此數年蓄積自有餘矣

十二月六日詔諸官司料次錢令戶部取酌中一年數目立為定額每年不得過今來所立數目如支用不足即具數申取朝廷指揮同日詔三省樞

密院諸房除每上半年戶部支給犒設外激賞庫所支諸房并其餘官司犒設今後每次並減三分之一

紹興三十二年九月十九日孝宗即位未改元

兵部

侍郎兼權戶部侍郎周葵等言檢準紹興二十八年五月十一日指揮內外臣寮請給今後不得陳乞先行借減雖已得指揮許戶部執奏不行本部見行遵守外照得內外臣寮諸軍諸司多是於指定條格合得請給數外陳乞援例增添及諸百官司所支料次并非泛支使錢物多有泛濫太破欲乞今後正從本部檢察稽考許取索從實裁減內有援例增添請給之人雖畫降指揮訖執奏不行從之 孝宗隆興元年七月三日戶部言依指揮條具併省吏額度支見管主事二人令吏六人書令史一十六人守當官一十四人正貼司二十四人私名五人今減令史一名書令史三人守當官二人正

貼司四人私名五人內二人係文遣度牒文字添置於
內減罷一人今將減罷人籍定姓名候有闕日依名次
撥填詔依見在人且令依舊將來遇闕更不遷補二
年六月七日殿中侍御史尹穡言國家之於用度既不
可以橫斂加賦則於設官置吏惟當有以減裁其冗今
戶部既有度支以總調度又有帳司以考文籍今則又
有所謂驅磨司者蓋因昨來陛下臨御之初欲令戶部
盡見內外支費之數胥吏之力有不辦趙子滿為侍郎
遂逐急創置驅磨司使之專行而其所差人吏月有增
給今則內外支費之數具在帳籍遇有取索照應便可
立見則其創置之司自合復罷今仍依舊存留徒使文

籍山積雖長貳不得盡觀特付胥吏之手致令糧料疲
於供報三衙困於追擾無益於事詔驅磨司併歸度支
元差人吏並罷 閏十一月二十日詔於內藏庫支借
銀一十萬兩應副戶部支遣日後令本部收簇撥還
乾道四年六月二十一日度支郎中趙不敵言度支所
掌在於支度軍國之用而會其出入及其經費之數臣
嘗計方今一歲內外支用之數大槩五千五百萬緡有
奇又以一歲所入計之若使諸路供應以時別無蠲減
拖欠務場入納無虧則足以支一歲之用不闕然賦用
之窠名猥多而分隸於戶部之五司如僧道免丁常平
免役坊場酒課之類則左右曹掌之如上供折帛經總

無額茶鹽香礬之類則全部掌之度支則督月樁倉部則專糴本催理雖散於五司悉經於度支稽之古人量人為出之義則度支一司安可以不周知其所入之數也哉臣昨庀職之初見其凡遇科降移用之際一切臨時批會於五司據憑其數即以施行或以吏緣為姦或有批報隱漏迫於倉卒考實無由小則有悞於支遣大則失陷於財賦臣因置為都籍會計窠名總為揭貼事雖方行藉書草具而條具詳備固已粲然易考欲望付之本曹自茲為始歲一易之庶幾有司得以久遠遵行不唯財賦易以稽考抑使胥吏無所容其姦從之十一月二十七日詔三總領合支官兵春冬衣令戶部

措置今後並前期支降依行在官兵條限時日支給不得依前遲延過時從臣寮請也 五年三月十五日戶

房言每遇四孟月車駕詣景靈宮合支散齋巷官兵并禁衛折食錢係已得旨依例支散若逐次降指揮委是重復欲乞自將來孟夏降指揮日添入今後依此字從之 六年五月四日度支言依指揮條具併省吏額見管主事二人令史五人書令史一十三人守當官一十二人正貼司二十人私名四人今減書令史一名守當官二人正貼司三人以五十人為額詔並依擬定各從下裁減將來見闕日依名次撥填其減下人願依條比換名目者聽 七年三月七日詔戶部支奉食錢以銀

會子代支從戶部請也 八年二月一日戶部尚書曹
懷侍郎沈復言准指揮每月券食增支錢銀減落會子
今具下項一路諸州軍合發折帛錢并寬剩折帛等及
折帛頭子錢欲自今年受納日以九分見錢一分會子
解發內折帛錢四色各增二分共計增收見錢一百七
萬六百餘貫內有截使赴外路支遣錢二十六萬餘貫
從戶部却行科撥州軍赴行在經總制窠名會子二十
六萬餘貫對兌貼湊赴外路應副支遣一臨安府合發
折帛錢欲以三分為率用一分見錢二分會子解發仍
自受納日為始左藏西庫雜納綾紙等錢欲自四月為
始並全用見錢送納一務場每月券食錢三十萬貫欲

自十月為始支撥二分銀或見錢應副支遣一契勘自來支遣錢銀分數增減不定若將來見得錢數多銀兩數少即合將見錢增起分數支遣一契勘已承指揮增起銀兩分數支遣街市銀兩數多銀價自是低平照得本部已前年分遇闕少銀兩置場收買應副若將來見得銀兩果有闕少只將收到綱運并酒庫等處發到錢會置場逐旋收買應副支遣又言今具每月減落會子四十萬貫一歲共增支銀錢計四百八十萬餘貫一歲錢增一百八十萬貫已有下項折帛增起二分錢一百八萬餘貫臨安府折帛增起見錢二十萬餘貫雜納綾紙等錢全用見錢一百萬餘貫已上計一百四十七萬

餘貫本部今將二月分為則又遣每歲實增錢止一百五十六萬餘貫除已有外實闕九萬餘貫一歲銀增九十六萬餘兩已有下項歲剩四十二萬餘兩務場茶食增起二分銀二十一萬餘兩已上計銀六十三萬餘兩闕少銀三十三萬餘兩本部已申朝廷乞將取到綱運并諸色發到會子除經常支用外約一百八十萬餘貫可以收買銀五十萬餘兩貼湊支遣勘會今來兌起外路折帛見錢二分赴行在止二十六萬餘貫照得合起赴行在經總制錢數甚多欲令戶部於附近州軍合起赴行在經總制錢內分明指定指撥錢二十六萬餘貫却於本州軍對兌起發從之 九年三月二十四日戶

部言唯指揮委官前去浙東西江東路諸州軍點檢官吏俸給每月具折支錢會歷結押申繳赴戶部驅磨勘會兩浙路溫台明處州平江府及江東路諸州軍並未繳到文歷詔令溫台明處州平江府并江東路遂州軍點檢會子官各遵依指揮將已結押文歷疾速申繳施行不得違滯仍先次具析未繳因依申高書省

續會要

淳熙十三年十二月九日詔度支減守當官二人貼司一人私名二人

以司農少卿吳燠議減冗食下敕令所

裁定故有是命

嘉定六年九月二十三日戶部侍郎

兼同詳定敕令官李珣言度支一司專一審度支供錢

物凡是諸色支遣並須經由度支庶幾事緒歸一易於稽攷今來路百官司并諸軍幫支借給或遇陞改增添食錢之類其糧料院祇憑諸處諸人幫到券歷便與批勘更不候經由度支是致事緒散漫難以稽攷乞今後應是諸百官司并諸軍但干請給並須經由度支審度行下方得照條幫勘如未曾經由度支即不許糧料院擅行幫勘從之